

DS
735
A2Y86
1771a
V. 35

University of Toronto

Library

C 400/62

ASIAN COLLECTION

御批歷代通鑑輯覽卷之六十九

五季

王晉天福七年六月晉主重貴立漢寅劉玢光天元年是歲凡五國三鎮春正月晉以杜重威歐史綱目俱作爲順國順德今依通鑑節度使。

安重榮旣誅晉改鎮州成德軍爲恒州順國軍以杜重威爲節度使重威表王瑜范陽人爲副使瑜爲重斂于民恒人不勝其苦。

二月唐以宋齊邱知尚書省尋罷之。

齊邱固求預政事唐主聽入中書又求領尚書乃以齊邱知尚書省事親吏夏昌圖盜官錢三千緡齊邱判貸其死唐主大怒斬昌圖齊邱稱疾請罷從之。

彦澤在鎮屠戮無辜凶殘肆惡雖有行陣微勞亦不足以抵其罪晉主僅以降削示罰實為過縱使當時執法不阿安有封邱斬關之禍乎

夏四月晉貶張彥澤突厥部人徙太原為龍武大將軍。

彥澤先為彰義涇州軍號節度使殺其掌書記張式決口剖心斷其

四式父鐸詣闕訟冤晉主以河陽帥王周代彥澤鎮涇

州彥澤還至陝獲亡將楊洪乘醉斷其手足而斬之王

周奏彥澤在鎮不法二十六條民散亡者五千餘戶彥

澤既至晉主以其有軍功釋不問諫議大夫鄭受益從

兄上言彥澤凶殘無所忌憚見聞之人無不切齒而陛

下一無詰讓中外皆言陛下受其獻馬百匹聽其如是

竊為陛下惜此惡名乞正彥澤罪法以湔洗聖德疏奏

留中刑部郎中李濤等伏閣極論彥澤罪語甚切至敕

彥澤削一階降爵一級濤復與兩省及御史臺官伏閣

奏請論如法。晉主召濤面諭之。濤端笏前。迫殿陛論辯。聲色俱厲。晉主怒。連叱之。濤不退。晉主曰。朕已許彥澤不死。濤曰。陛下許彥澤不死。不可負。不知范延光鐵券安在。晉主拂衣起入禁中。既而有是命。

漢主龔矧子玠立。

漢主龔寢疾。以其子秦王洪度。晉王洪熙。皆驕恣。少子

越王洪昌。

龔諸子名俱依歐史輯。

孝謹有智識。與右僕射王翽謀。

龔曰。吾子孫不肖。後世如鼠入牛角。當漸小。爾因泣下歔歔。

欲出洪度。洪熙而立洪

昌。會崇文使蕭益入問疾。以其事訪之。益曰。立嫡以長。

違之必亂。乃止。

龔為人辯察多權術。好自矜大。嘗謂中國天子為洛州刺史。窮奢極麗。悉聚南

海珍寶。以為玉堂珠殿。用刑慘酷。有灌鼻割舌。支解剗剔。炮炙烹蒸之法。或聚毒蛇水中。以罪人投之。謂之水

御批歷代通鑑輯覽 卷之六十一
獄每視殺人。則不勝其喜。不覺朶頤垂涎。呿呿。人以爲真蛟蜃也。末年尤猜忌。以士人多爲子孫計。故專任宦者。由是其國及殂。洪度卽位。更名玠。以洪熙輔政。

五月。唐以宋齊邱爲鎮南節度使。

齊邱旣罷。不復朝謁。唐主遣壽王景遂勞問。許鎮洪州。始入朝。唐主與之宴。酒酣。齊邱曰。陛下中興。臣之力也。奈何忘之。唐主怒曰。公以遊客干朕。今爲三公。亦足矣。齊邱曰。臣爲遊客時。陛下乃偏裨耳。明日。唐主手詔謝之曰。朕之褊性。子嵩所知。少相親。老相怨。可乎。乃以齊邱鎮洪州。

六月。晉主敬瑭殂。兄子齊王重貴立。是爲晉出帝。

遼主以晉招納吐谷渾。遣使來讓。晉主憂悒成疾。一旦

馮道獨對。晉主命幼子重睿出拜之。又令宦者抱置道

懷中。蓋欲道輔立之。六月。晉主殂。時晉主在鄴都。道與

侍衛馬步都虞候景延廣議以國家多難。宜立長君。乃

奉齊王重貴為嗣。是日即位。延廣始用事。禁人偶語。初。

高祖。晉主敬瑭。廟號高祖。疾亟。有旨召劉知遠入輔政。晉主重貴

寢之。知遠由是怨。

秋七月。閩富沙王延政攻汀州。不克。歸敗福州兵于九口。

九口。口也。在延平府南平縣南。

漢循州盜張遇賢作亂。

有神降于博羅縣。秦置。今屬惠州府。民家縣吏張遇賢事之甚

謹。時循州盜賊羣起。莫相統一。共禱其神。神大言曰。張

遇賢當為汝主。于是羣帥共奉遇賢為主。攻掠海隅。遇

賢年少。無他方畧。諸將但告進退而已。漢主遣越王洪

昌循王洪杲討之。戰不利。為賊所圍。指揮使陳道庠

人等力戰救之。得免。東方州縣多為遇賢所陷。

後遇賢為漢所

敗。告于神。神曰。取虔州。則大事可成。遇賢遂趣虔州。唐將邊鎬。白昌裕屢破之。遇賢禱于神。神不復言。其黨大懼。執遇賢以降。斬于金陵市。

邊鎬昇州人。白昌裕虔州人。

八月。晉討襄州。拔之。安從進伏誅。

高行周圍襄州。踰年不下。奉國軍都虞候王清

字去瑕。曲周人。

曰。賊城已危。我師已老。民力已困。不早逼之。尚何俟乎。

與指揮使劉詞

字好謙。元城人。

帥眾先登。拔之。從進舉族自焚。

冬十一月。晉復行官賣鹽法。

先是河南北諸州官自賣海鹽。歲收緡錢十七萬。又散

蠶鹽。

所以裹繭。

斂民錢。言事者稱民坐私販鹽抵罪者衆。不

若聽民自販。而歲以官所賣錢直斂于民。謂之食鹽錢。

高祖從之。俄而鹽價頓賤。每斤至十錢。至是三司使董遇欲增求羨利。而難于驟變前法。乃重征鹽商。過者七錢。留賣者十錢。由是鹽商殆絕。而官復自賣。其食鹽錢斂之如故。

十二月。閩以李仁遇同平章事。

仁遇。閩主曦之甥也。年少美姿容。得幸于曦。以爲左僕

射。與吏部侍郎李光準並同平章事。

曦淫侈無度。資用不給。國計使陳匡

範增算商之法以獻。曦大悅。曰匡範。人中寶也。已而歲入不登其數。乃借于民以足之。匡範以憂死。曦後知其

借于民也。剖棺斷尸。棄之水中。泉州刺史余廷英貪穢。畧人子女。事覺下吏。廷英獻買宴錢萬緡。曦召見曰。宴已買矣。皇后貢物安在。廷英復獻錢于后。未幾。遂以廷英為相。于是校書郎陳光逸上書。陳曦大惡五十事。曦怒殺之。

癸卯 晉天福八年。南唐李璟保大元年。殷王延政天德元年。南漢劉昺乾和元年。是歲。并殷凡六國。三鎮。春。一

月。晉主還東京。晉主即位于鄴都。及是始還汴。

晉主之初即位也。大臣議奉表稱臣。告哀于契丹。景延

廣請致書稱孫而不稱臣。李崧曰。陛下如此。他日必躬

擐甲胄。與遼戰。于時悔無益矣。延廣固爭。馮道依違其

間。晉主卒從延廣議。遼主大怒。遣使來責讓。延廣復以

不遜語答之。遼肅龍節度使趙延壽欲代晉帝中國。屢

說遼主擊晉。遼主頗然之。晉主聞遼將南侵。還東京。然

匈奴在漢。頡利在唐。凡與中國構兵。皆書入寇。以中土時方一統。體例固應如是。即宋室運際陵夷。然自徽欽以上。共主位號。猶存至南渡以後。稱臣稱姪。惟恐不及。若仍書入寇。則是君寇臣以伯叔寇姪。為不經矣。我國家開初之初。當明未造國政。日非而未及更姓。改物自宜。仍以統系予之。至順治元年定鼎。京師大統已正。然明福王猶于江寧僅延一綫。故綱

自三編所紀並不遺書明亡以絕其祚為福王者使能奮發有為安見不可擬于南宋臨安之局惟是天心既已厭明人事復不能自振長江不守統系于是終絕則福王之所係于明紀者固不同唐桂二王之竄徙無常及宋末易是之流顛覆此正千古不易之通義也此條目內舊書遼將入寇謬襲漢唐書法不思彼時中國已瓜分瓦解不成正統而石晉得國之本又出于以父事遼及重貴繼立好事者頓以書臣為恥然稱孫之表仍無虛曰以是構禍即問愚駭無識之人以祖寇孫有不

猶與遼問遺相往來無虛月。

唐主昇殂。

唐宣城王景達剛毅開爽唐主愛之屢欲以為嗣宋齊邱亟稱其才唐主以璟年長而止嘗如璟宮遇璟親調樂器大怒數日幼子景暹母种氏有寵乘間言景暹可為嗣唐主怒曰子有過父訓之常事也國家大計女子何得預知即命嫁之。方士獻丹餌之浸成躁急羣臣奏斂容謝之問道士王栖霞何道可致太平對曰王者治心治身乃治國家今陛下尚未能去譏嗔飽喜何論太平。凡所賜予皆不受。駕部郎中馮延巳。本彭城人。徙歙州。為齊王掌書記。性傾巧與宋齊邱及陳覺相結又有魏岑者亦在齊府給事中常夢錫。字孟圖。扶風人。屢言覺延巳等皆佞邪小人不

然而笑者哉是當用兩國互伐之文事侵以正其誤且使後之守器者兢兢業業不敢失其統以自取辱殊不失春秋尊王之本義云
南唐主以寵姬一言干預遣之如棄敝屣可謂英斷然既有知予之明乃仍泥立長之見豈長於杜漸防微而絀於思深圖遠耶蓋非道得國者不宜復昌其後於此可以知天道矣

宜侍東宮司門郎中蕭儼

廬陵人

亦表覺姦回亂政唐主

頗悟未及去會疽發背疾亟太醫吳廷裕遣親信召齊

王璟入侍疾唐主謂曰吾餌金石始欲益壽乃更傷生

汝宜戒之是夕殂秘不發喪下制以齊王監國孫晟恐

馮延巳等用事欲稱遺詔令太后臨朝稱制翰林學士

李貽業

蔚從曾孫

曰先帝常云婦人預政亂之本也安肯自

為厲階此必近習奸人之詐也且嗣君春秋已長明德

著聞公何得遽為亡國之言若果宣行吾必對一官毀

之晟乃止

閩富沙王延政稱帝于建州國號殷

延政稱帝以潘承祐為吏部尚書楊思恭

建陽人

為兵部

尚書。

未幾以承祐同平章事。思恭遷僕射錄軍國事。

國小民貧。軍旅不息。思恭

以善聚斂得幸。增田畝山澤之稅。至于魚鹽蔬果。無不

倍征。國人謂之楊剝皮。已而承祐上書陳十事。首以兄

弟相攻為言。延政大怒。削承祐官爵。放歸私第。

三月。唐主璟立。

唐主即位。大赦改元。秘書郎韓熙載請俟踰年改元。不

從。唐主為人謙謹。不名大臣。數延公卿論政體。李建勳

謂人曰。主上寬仁大度。優于先帝。但性習未定。苟旁無

正人。恐不能守先帝之業耳。

宋齊邱待陳覺素厚。唐主亦以為才。委任之。馮延巳

延魯魏岑皆依附。覺與查文徽更相汲引。侵蝕政事。唐

人謂之五鬼。馮延魯字叔文。延巳之弟。一名謚查文

徽。字光慎。

休寧人。

漢晉王洪熙弒其主玠而自立更名晟。

漢主玠驕奢不親政事。居喪無禮。左右忤意輒死。無敢諫者。惟越王洪昌及內常侍吳懷恩屢諫。不聽。常猜忌諸弟。晉王洪熙欲圖之。乃盛飾聲妓。娛悅其意。以成其惡。玠好手搏。洪熙令指揮使陳道庠引力士劉思潮等五人習手搏。漢主與諸王宴而觀之。至夕大醉。洪熙使道庠思潮等掖漢主。因拉殺之。洪熙卽位。更名晟。以洪昌爲太尉。道庠等皆受賞賜甚厚。晟既立。國中議論洵思潮等以謝中外。不從。思潮等誣洪果謀反。殺之。于是晟欲盡殺諸弟。以越王洪昌賢而得衆。先遣盜刺殺之。其後諸弟洪澤等俱見殺。而劉思潮等亦被誅。

夏四月戊申朔日食。

秋七月。晉遣使括民穀。

詔以年饑國用不足。分遣使者六十餘人。于諸道括民穀。

唐主立其弟景遂爲齊王。景達爲燕王。

唐主緣烈祖

李昇廟號烈祖

意以景遂爲諸道兵馬元帥。徙封

齊王。居東宮。景達爲副元帥。徙封燕王。宣告中外。約以傳位。景遂景達固辭不許。景遂自誓必不敢爲嗣。更其字曰退身。又立景邕爲保寧王。宋太后怨种夫人。屢欲害景邕。唐主力保全之。

九月。晉執遼回圖使

回圖務之使也。主典互市。回圖務。注見前。

喬榮。旣而歸之。

初。河陽牙將喬榮。從趙延壽入遼。遼以爲回圖使。往來

晉既藉北朝以興豈能相
抗遼於晉有德無怨背之
貴爲不祥且爾時並無良
將精兵之可恃而延廣大
言不慚徒貽其君以負義
之辱小人庸妄悞國顧如
是哉

販易于晉置邸大梁至是景延廣說晉主囚榮于獄凡
遼人販易在晉境者皆殺之奪其貨大臣皆言遼不可
負乃釋榮慰賜而歸之榮辭延廣延廣大言曰歸語而
主先帝爲北朝所立故稱臣奉表今上乃中國所立所
以降志于北朝者正以不敢忘先帝盟約故耳爲鄰稱
孫足矣無稱臣之理翁怒則來戰孫有十萬橫磨劍足
以相待他日爲孫所敗取笑天下毋悔也榮欲爲異時
據驗乃曰公所言頗多懼有遺忘願記之紙墨延廣命
吏書其語以授之榮具以白遼主遼主大怒南侵之志
始決晉使如遼者皆繫之桑維翰屢請遜辭以謝遼每
爲延廣所沮晉主以延廣有定策功寵冠羣臣又總宿

衛兵。故大臣莫能與之爭。河東節度使劉知遠。知延廣必召兵而不敢言。但益募兵。增置十餘軍。以備遼。

冬十月。晉主立其叔母馮氏爲后。

初。高祖愛少弟重胤。養以爲子。娶馮濛

定州安喜人。

女爲其

婦。重胤早卒。馮夫人寡居。有美色。晉主初立。納之。至是。

立以爲后。頗預政事。兄玉

字景臣。

時爲鹽鐵判官。擢爲端

明殿學士。與議政事。

十二月。晉楊光遠誘遼人南侵。

初。晉高祖以馬三百。借平盧節度使楊光遠。景延廣以詔命取之。光遠怒。密告于遼。以晉境大饑。乘此攻之。一舉可取。趙延壽亦勸之。遼主乃集兵五萬。使延壽將之。

經畧中國曰。若得之。當立汝爲帝。延壽信之。爲盡力。朝廷頗聞其謀。遣使城南樂。及德清軍。晉置。故城在今大名府。清豐縣西北。徵近道兵以備之。

唐以宋齊邱爲青陽

唐縣。今屬池州府。

公。遣歸九華。

唐侍中周宗年老恭謹。中書令宋齊邱樹黨傾之。宗泣訴于唐主。唐主由是薄齊邱。齊邱忿。表乞歸九華舊隱。唐主知其詐。一表卽從之。仍賜號九華先生。封青陽公。齊邱乃治大第于青陽。服御將吏皆如王公。而憤邑益甚。

晉旱。水。蝗。民大饑。

是歲。晉境春夏旱。秋冬水。蝗大起。原野山谷城郭廬舍。

皆滿竹木葉俱盡重以官括民穀使者督責嚴急不留
其食有坐匿穀抵死者縣令往往納印自劾去民餓死
者數十萬口流亡不可勝數朝廷以恒定饑甚獨不括
民穀杜威即杜重威避晉主諱去重奏請如例用判官王緒謀檢索
殆盡得百萬斛威止奏三十萬斛餘皆入其家又令判
官李沼稱貸于民復滿百萬斛闔境苦之定州吏欲援
例爲奏節度使馬全節不許曰吾爲觀察使節度兼觀察職
在養民豈忍效彼所爲乎

楚作九龍殿

楚王希範奢欲無厭務窮侈靡作九龍殿刻沉香爲八
龍飾以金寶抱柱相向希範居中自言身一龍也先是楚地

多產金銀。茶利尤厚。故財貨豐殖。及是用度不足。重為賦斂。民多逃亡。各失其業。又用孔目官周陟議。令常稅之外。大縣貢米二千斛。中千斛。小七百斛。無米者輸布帛。天策學士拓拔恒上書曰。殿下長深宮之中。藉已成之業。身不知稼穡之勞。耳不聞鼓鼙之音。馳騁遊遨。雕牆玉食。府庫盡矣。而浮費益甚。百姓困矣。而厚斂不息。今淮南為仇讎之國。番禺懷吞噬之志。荆渚日圖窺伺。溪洞待我姑息。諺曰。足寒傷心。民怨覆國。願罷輸米之令。誅周陟以謝郡縣。去不急之務。減興作之役。無令一旦禍敗。為四方所笑。希範大怒。他日請見。辭以晝寢。恒謂客將曰。王逞欲而懷諫。吾見其干口。飄零無日矣。希範益怒。遂終身不復見之。

甲晉開運元年。是歲。辰凡六國三鎮。閩亡。春正月。遼克晉貝州。權知州事吳巒死之。晉遣兵以禦遼。

遼前鋒將趙延壽趙延照

思溫之子

將兵南侵。逼貝州。先是

朝廷以貝州水陸要衝。多聚芻粟。為大軍數年之儲。軍

校邵珂性凶悻。節度使王令溫

河間人

黜之。珂怨望。密遣

巒本書生不能燭珂奸偽。固其罪。然拒守赴井。尚不失硜硜之節。徐無黨乃謂其可戰。不戰委珂以失貝州。不得目為死事。持論不免矯枉過正。

人亡入遼。言貝州易取。會令溫入朝執政。以吳巒權知州事。巒至而遼兵至。巒書生無爪牙。珂請效死。巒使將兵守南門。自守東門。遼主自攻貝州。巒悉力拒之。燒其攻具殆盡。珂引遼軍自南門入。巒赴井死。遼遂破貝州。所殺且萬人。晉以高行周爲都部署。與符彥卿皇甫遇常山等將兵禦之。

唐主敕齊王景遂參決庶政。旣而罷之。

唐主決欲傳位于齊燕二王。翰林學士馮延巳等因之。欲隔絕中外以擅權。請敕齊王景遂參決庶政。百官惟魏岑。查文徽得白事。餘非召對不得見。唐主從之。國人
大駭。給事中蕭儼上疏極論。不報。侍衛都虞候賈崇叩

閤求見曰。臣事先帝三十年。觀其延接疏遠。孜孜不怠。下情猶有不通者。陛下新卽位。所任者何人。而頓與羣臣謝絕。臣老矣。不得復奉顏色。因涕泗嗚咽。唐主感悟。遽收前敕。唐主于宮中作高樓。召侍臣觀之。衆皆歎美。蕭儼曰。恨樓下無井。唐主問其故。對曰。以此不及景陽樓耳。唐主怒。貶于舒州。觀察使孫晟遣兵防之。儼曰。儼以諫諍得罪。非有他志。昔顧命之際。君幾有社稷。其罪顧不重于儼乎。今日反見防邪。晟遂罷之。

晉主自將次澶州。遣劉知遠杜威。張彥澤將兵禦遼。

晉主以景延廣爲御營使。高行周以前軍先發。時用兵方畧號令。皆出延廣。延廣乘勢使氣。陵侮諸將。雖天子亦不能制。晉主發東京。遼兵至黎陽。晉主至澶州。遼主屯元城。遼別將寇太原。劉知遠與白承福合兵擊之。詔

以知遠為招討使。杜威為副使。馬全節為都虞候。遣張彥澤等將兵拒遼于黎陽。復遣譯者致書于遼。求修舊好。遼主復書曰。已成之勢。不可改也。太原奏破遼偉王于秀容。遼兵遁去。

二月。遼兵渡河。晉主遣李守貞河陽人。等分道擊之。遼兵敗走。

晉博州刺史周儒降遼。又與楊光遠通情。引遼兵自馬

家口濟河。營于東岸。攻鄆州北津。以應楊光遠。晉遣李

守貞。皇甫遇。梁漢璋應州人。薛懷讓太原人。將兵萬人。緣河

水陸俱進。遼兵圍高行周。符彥卿及先鋒使石公霸于

戚城。先是。景延廣令諸將分地而守。無得相救。行周等

告急。延廣徐白晉主。晉主自將救之。遼兵解去。三將泣訴救兵之緩。幾不免。守貞等至馬家口。遼遣步卒萬人築壘。散騎兵于其外。餘兵數萬屯河西。度未已。晉兵薄之。遼騎兵退走。晉兵進攻其壘。拔之。遼兵大敗。溺死數千人。俘斬亦數千人。河西之兵慟哭而去。由是不敢復東。初。遼主得貝州。博州。皆無慰其人。或拜官賜服章。及敗于戚城。馬家口。忿恚。所得民皆殺之。由是晉人憤爭奮。

晉定難節度使李彝殷

彝超之弟

侵遼以救晉。

晉詔劉知遠擊遼。知遠屯樂平。

注見前。

不進。

三月。遼侵晉澶州。不克。引還。

遼主僞棄元城去。伏精騎于古頓邱。

在衛輝府浚縣。詩送子涉淇。至于頓邱。

以俟晉軍與恒定之兵合而擊之。鄴都奏虜已遁去。大軍欲進追之。會霖雨而止。遼人馬饑疲。趙延壽曰。晉軍悉在河上。畏我鋒銳。必不敢前。不如卽其城下。四合攻之。奪其浮梁。則天下定矣。遼主從之。三月朔。自將兵十餘萬。陳于澶州城北。高行周與戰。自午至晡。互有勝負。遼主以精兵當中軍而來。晉主亦出陳以待之。遼主望見晉軍之盛。謂左右曰。楊光遠言晉兵半已餒死。今何其多也。以精騎左右畧陳。晉軍不動。萬弩齊發。飛矢蔽地。遼兵稍卻。兩軍死者不可勝數。昏後。遼兵引去。遼主帳中小校亡來云。遼主已傳木書收軍北去。景延廣疑有詐。閉壁不敢追。遼主北歸。所過焚掠民物殆盡。

閩指揮使朱文進弑其主曦而自立。

閩拱宸都指揮使朱文進。閤門使連重遇。以前弑昶。懼

國人之討。相與結昏以自固。閩主曦心疑之。

曦嘗因醉殺控鶴指揮

揮使魏從朗。從朗。朱連之黨也。又嘗酒酣誦白居易詩云。惟有人心相對間。咫尺之情不能料。因舉酒屬二人。

二人大懼。曦后李氏悍而酗酒。以賢妃尚氏有寵。妬之。欲弑

曦而立其子亞澄。使人告文進。重遇曰。主上殊不平。二

公奈何。會后父李真有疾。曦往問之。文進重遇使馬步

使錢達弑曦于馬上。召百官告之曰。天厭王氏。宜更擇

有德者立之。衆莫敢言。重遇乃推文進升殿。被袞冕。帥

羣臣北面稱臣。文進自稱閩主。悉收王氏宗族五十餘

人。皆殺之。以重遇總六軍。禮部尚書鄭元弼抗辭不屈。

文進殺之。殷主延政遣統軍使吳成義將兵討文進。不克。文進遂稱藩于晉。晉以爲閩國王。

晉籍鄉兵。

每七戶共出兵械資一卒。號武定軍。時兵荒之餘。復有此擾。民不聊生。

夏四月。晉主還大梁。以景延廣爲西京留守。

晉主命高行周。王周。留鎮澶州。遂還大梁。景延廣旣爲上下所惡。晉主亦憚之。桑維翰引其不救戚城之罪。出爲西京留守。以高行周爲侍衛馬步都指揮使。延廣鬱鬱不得志。日夜縱酒。

晉遣使分道括率民財。

延廣構成遼覺章相尋
身膺事闔既坐視戚城之
圍而不救及軍儲不給括
率民財聞閭閻驚擾又復因
緣罔利置國是民漠於不
問其罪寔無可道乃晉主
若罔聞知方倚任以貽
竄宜其禍不旋踵也

晉因遼兵屢至國用愈竭復遣使者三十六人分道括
率民財各封劍以授之使者多從吏卒攜鎖械刀杖入
民家大小驚懼求死無地州縣吏復因緣為姦河南府
出緡錢二十萬景延廣率三十七萬延廣增率十七萬欲以入已留
守判官盧億字子元河內人曰公位兼將相富貴極矣今國家
不幸府庫空竭不得已取于民公何忍復因而求利為
子孫之累乎延廣慙而止先是詔以楊光遠叛命兗州樓堞為名率民財以實私藏括率使至賦緡錢十萬會審信他出拘其守藏吏指取一困已滿其數
六月晉太尉侍中馮道罷以桑維翰為中書令兼樞密使
道雖為首相依違兩可無所操決或謂晉主曰馮道承
平之良相今艱難之際譬如使禪僧飛鷹耳乃以為匡

國節度使。或又謂晉主曰。陛下欲禦北狄。安天下。非桑維翰不可。遂復置樞密院。以維翰爲中書令。兼樞密使。事無大小。悉以委之。數月之間。朝廷差治。

晉滑州河決。發民塞之。

滑州河決。浸汴曹。單濮鄆五州之境。詔大發數道丁夫。

塞之。旣塞。晉主欲刻碑記其事。中書舍人楊昭儉

字仲寶。長

安諫曰。陛下刻石紀功。不若降哀痛之詔。染翰頌美。不

若頌罪已之文。晉主乃止。

晉以折從遠

折。西河大姓。從遠。字可久。雲中人。

爲府州

唐置。今葭州府谷縣是。

團練

使。

初。晉高祖割地以賂遼。府州與焉。會遼欲盡徙河西之

民以實遼東。州人大恐。刺史折從遠因保險拒之。及晉與遼絕。從遠引兵深入。拔十餘寨。故有是命。

晉復置翰林學士。

以李慎儀為承旨。劉溫叟。字永齡。洛陽人。崇望從孫。徐台符。武彊人。李

漸范質。字文素。宗城人。為學士。

秋八月。晉以劉知遠為行營都統。杜威為招討使。督十三節度使以備遼。

桑維翰兩秉朝政。出楊光遠景延廣于外。至是一制指揮節度使十五人。無敢違者。時人服其膽畧。時軍國多事。咨請輻輳。維翰隨事裁決。初若不經思慮。人疑其疎畧。退而熟議之。亦終不能易也。然頗任愛憎。恩怨必報。

人亦以是少之。

朔方節度使馮暉上章自陳本老可用。而制書見遺。維翰召學士使為答詔曰。

非制書忽忘。實以朔方重地。非卿無以彈壓。比欲移卿內地。受代亦須奇材。暉得詔甚喜。遂兵之至也。晉主再命劉知遠會兵山東。皆不至。晉主疑之。謂所親曰。太原殊不助朕。必有異圖。至是。雖為都統。而實無臨制之權。密謀大計。皆不得預知。遠亦知見疎。恒慎事自守而已。郭威見知遠有憂色。謂知遠曰。河東山河險固。風俗尚武。士多戰馬。靜則勤稼穡。動則習軍旅。此霸王之資也。何憂乎。

九月庚午朔日食。

冬十一月。閩泉州牙將留從効。

泉州永春人。

等誅朱文進所署

刺史黃紹頗。傳首建州。

朱文進以其黨黃紹頗為泉州刺史。散員指揮使留從

効謂同列曰。文進屠滅王氏。遣腹心分據諸州。吾屬世

受王氏恩。而交臂事賊。一旦富沙王克福州。吾屬死有

餘愧衆以爲然。十一月，各引軍中所善壯士，夜飲于從
効家，從効給之曰：「富沙王已平福州，密旨令吾屬討黃
紹頗。諸君從吾言，富貴可圖。不然，禍且至矣。」衆皆踊躍。
操白梃踰垣而入，執紹頗斬之。從効持州印詣王繼勲。
延政子第，請主軍府。函紹頗首，遣副使陳洪進。臨淮人，齊
詣建州。延政以繼勲爲泉州刺史。從効洪進皆爲都指
揮使。文進聞黃紹頗死，大懼，募兵

十二月，晉師圍青州。楊光遠之子承勲刳其父以降。

光遠反側無常，降文非出其本心，留之適以貽患。明正其罪，誅之不爲過當。而乃陰遣人殺之，其誰欺乎？劉友益以晉不能明正其罪，例諸李輔國之書，益殺是也。至承勲刳父以降，與

李守貞圍青州。經時，城中食盡。遼援兵不至，楊光遠遙稽首于遼曰：「皇帝皇帝，誤光遠矣！其子承勲勸光遠降，冀全其族。光遠不許，承勲斬勸光遠反者判官邱濤等。」

光遠之忘君而叛者罪過相等乃殺其父而官其子是何懲勸然五季之亂亦無一可與語倫理者矣

送其首于守貞縱火大譟刼其父出居私第上表待罪

開城納官軍

晉以光遠罪大而諸子歸命難于顯誅命守貞以便宜從事守貞遣人拉殺光遠以

病死閩起復承勳為汝州防禦使後遼主入汴責承勳以殺父斬之

閏月閩人討殺朱文進傳首建州

先是殷主延政遣統軍使吳成義帥戰艦千艘攻福州

會唐遣行營都虞候邊鎬等以兵擊延政屯建陽

唐翰林待

詔臧循與樞密副使查文徽同鄉里循嘗為賈人習知福建山川為文徽畫取建州之策文徽遂表請擊延政且言必克唐主從之遣邊鎬以兵從文徽及循伐殷至蓋竹聞泉汀漳三州已降于殷退屯建陽臧循屯邵武為民所執送建州斬之蓋竹鎮名在建陽縣南建陽晉縣今屬建寧府邵武三國吳置縣宋改軍今為府屬建及是吳成義聞有唐兵詐使人告福州吏民曰唐助我討賊臣大兵今至矣福人益懼南廊承旨林仁翰謂

其徒曰。吾曹世事王氏。今受制賊臣。富沙王至。何面見之。帥其徒三十人。被甲趣連重遇第。刺殺之。斬其首以示衆曰。富沙王且至。汝輩族矣。今重遇已死。何不亟取文進以贖罪。衆踊躍從之。遂斬文進。迎吳成義入城。函二首送建州。

遼復侵晉。

遼復大舉侵晉。趙延壽引兵先進。至邢州。晉主欲自將拒之。會有疾。命天平節度使張從恩

太原人。

鄴都留守馬

全節護國節度使安審琦會諸道兵屯邢州。武寧節度使趙在禮屯鄴都。遼主以大兵繼至。建牙于元氏。晉主憚遼之盛。詔從恩等引兵稍卻。于是恐懼。無復部伍。委

棄器甲。所過焚掠。比至相州。不復能整。

乙酉開運二年。是歲凡五。已國三鎮殷改稱閏而亡。春正月。遼兵至相州。引還。晉主

自將追之。

詔趙在禮還屯澶州。馬全節還鄴都。又遣張彥澤屯黎

陽。景延廣守胡梁渡。

在衛輝府滑縣東北。

遼侵邢。磁。洛。三州。殺掠

殆盡。入鄴都境。張從恩。馬全節。安審琦。悉兵陳于相州。

安陽水。

即洹水。注見前。

之南。皇甫遇與濮州刺史慕容彥超。

吐谷

渾部人。

將數千騎。前覘遼兵。至鄴都。遇遼兵數萬。遇等且

戰。且卻。至榆林店。遼兵大至。二將謀曰。吾屬今走。死無

遺矣。乃止布陣。自午至未。力戰百餘合。相殺傷甚衆。遇

馬斃步戰。其僕杜知敏以所乘馬授之。戰稍解。顧知敏

已爲遼所擒。遇曰：知敏義士，不可棄也。與彥超躍馬入陣，取知敏而還。俄而遼繼出新兵來戰。二將曰：吾屬勢不可走，以死報國爾。日且暮，安陽諸將怪覘兵不還，審琦卽引騎兵出，將救之。從恩曰：虜衆猥至，盡吾軍恐未足以當之。公往何益？審琦曰：成敗，天也。萬一不濟，當共受之。藉使虜不南來，坐失皇甫太師，吾屬何顏以見天子？遂踰水而進。遼兵解去。遇等乃得還。遼亦引軍還。其衆自相驚曰：晉軍悉至矣。時遼主在邯鄲，聞之，卽時北遁。晉主疾小愈，河北相繼告急。晉主曰：此非安寢之時。乃部分諸將爲行計。馬全節等奏：據降者言，虜衆不多，宜乘其散歸種落，大舉徑襲幽州。晉主以爲然，徵兵諸

道下詔親征發大梁。

殷收國號曰閩。

閩之故臣共迎殷主延政請歸福州改國號曰閩延政以方有唐兵未暇徙都以從子繼昌鎮福州以指揮使

黃仁諷將兵衛之賞林仁翰甚薄仁翰未嘗自言其功

發兩軍甲士萬五千人詣建州以拒唐

唐兵屯赤嶺延政遣僕射楊思

恭統軍使陳望將兵拒之列柵水南旬餘不戰唐人不
敢逼思恭以延政之命督望戰望曰江淮兵精其將習
武事國之安危繫此一舉不可不萬全而後動思恭怒
望不得已引兵涉小與唐戰望敗死思恭僅以身免延
政大懼嬰城自守召泉州兵分守
要害赤嶺在建寧府崇安縣

二月晉主至澶州諸將引軍北上

晉主至澶州馬全節等諸軍以次北上劉知遠聞之曰

知遠爲晉都統擁兵太原
觀其竊議所及於時勢非

不洞曉然未聞一言為晉書策蓋以意在自圖故安心坐觀成敗則數語非私慮之乃深幸之也其後抗顏改號稱帝僉假出迎壽陽謬為不忘故主掩耳盜鈴其能市名欺世乎

中國疲弊自守恐不足乃橫挑彊胡勝之猶有後患况不勝乎。

遼克晉祁州

唐末置今屬保定府

刺史沈斌

下邳人

死之。

遼以羸兵驅牛羊過祁州城下晉刺史沈斌出兵擊之遼以精騎奪其門州兵不得還趙延壽引遼兵急攻之斌在城上延壽語之曰使君何不早降斌曰侍中父子失計陷身虜庭忍殘父母之邦不自愧恥更有驕色何哉沈斌弓折矢盡寧為國家死爾終不效公所為明日城破斌自殺。

晉以馮玉為樞密使

晉端明殿學士馮玉宣徽北院使李彥韜

太原人

皆挾恩

用事惡桑維翰數毀之晉主欲罷維翰政事李崧劉昫固諫而止維翰請以玉爲樞密副使玉殊不平中旨以玉爲樞密使以分維翰之權彥韜少事閻寶爲僕夫後性纖巧與嬖幸相結以蔽耳目至于升黜將相亦得預議常謂人曰吾不知朝廷設文官何所用且欲盡去之

三月閩李仁達作亂以僭卓巖明稱帝閩主延政遣兵討之

初光州人李仁達仕閩叛奔建州及朱文進之亂叛奔福州浦城人陳繼珣亦叛閩主延政奔福州至是二人不自安王繼昌暗弱嗜酒不恤將士將士多怨仁達與繼珣說黃仁諷殺繼昌及吳成義仁達欲自立恐衆心

未服。以雪峯寺僧卓巖明素為眾所重，相與迎之，立以為帝。帥將吏北面拜之。然猶遣使稱藩于晉。延政聞之。

族黃仁諷家，命統軍使張漢真將水軍五千，會漳泉兵。

討巖明。漢真至福州，黃仁諷聞其家夷滅，開門力戰，執

豆作諸法事而已。李仁達自判六軍諸衛事，已而仁達使人殺仁諷，由是兵權盡歸之。因大閱將士，刺殺卓巖

明，自稱威武留後，奉表稱藩于唐，亦遣使人貢于晉。唐以仁達為節度使。

遼還軍南下。晉都排陳使符彥卿等擊之，遼兵敗走。夏四月。

月，晉主還大梁。

杜威等諸軍會于定州，攻遼泰州。遼置晉為澤州，今降

之，取滿城。唐縣，今屬保定府。獲遼二千人，取遂城。唐縣，故城在

縣。趙延壽部曲有降者，言遼主還至虎北口。即今古北口，在順天

何密雲縣東北兩崖壁立舊有營城據山巔聞晉取泰州復擁衆南向約八

萬騎計來夕當至威等懼退至陽城在保定府完縣東南後漢書郡國志

蒲陰縣有遼兵大至晉軍與戰逐北十餘里遼兵踰白

溝河名其上流爲巨馬河出易州涑水縣主定興新而

去晉軍結陳而南胡騎四合如山諸軍力戰拒之人馬

饑乏至白團衛村埋鹿角爲行寨遼軍圍之數重奇兵

出寨後斷糧道是夕東北風大起營中掘井輒崩人馬

俱渴至曙風甚遼主坐奚車奚人所造之車中令鐵鵠遼謂精騎曰鐵

鵠四面下馬拔鹿角而入奮短兵以擊晉軍又順風縱

火揚塵以助其勢軍士皆憤怒大呼曰都招討使何不

用兵令士卒徒死諸將請出戰杜威曰俟風稍緩徐觀

可否。李守貞曰。彼衆我寡。風沙之內。莫測多少。惟力鬪者勝。此風乃助我也。若俟風止。吾屬無類矣。卽呼曰。諸將齊擊賊。又謂威曰。令公善守禦。守貞以中軍決死矣。馬軍排陣。使張彥澤召諸將問計。皆曰。虜得風勢。宜俟風回與戰。都排陣使符彥卿曰。與其束手就擒。曷若以身殉國。乃與張彥澤藥元福并州晉陽人及皇甫遇引精騎出西門擊之。諸將繼至。遼兵卻數百步。風勢益甚。昏晦如夜。彥卿等擁萬餘騎。橫擊遼兵。呼聲動天地。遼兵大敗而走。勢如崩山。守貞亦令步兵盡拔鹿角出鬪。步騎俱進。逐北二十餘里。鐵鷁旣下馬。蒼黃不能復上。委棄馬仗蔽地。遼主乘奚車走十餘里。追兵急。獲一橐駝。乘

之而走。諸將諸追擊之。杜威揚言曰。逢賊幸不死。更索衣囊耶。李守貞曰。人馬渴甚。得水足重。難以追寇。乃退保寧州。遼主至幽州。散兵稍集。以軍失利。杖其酋長各數百。諸將引歸。晉主亦還大梁。

五月。晉順國節度使杜威入朝。

威久鎮恒州。貪殘不法。又畏懦過甚。每遼數十騎入境。威已閉門登陴。由是虜無所忌憚。屬城多爲所屠。威竟不出一卒救之。千里之間。暴骨如莽。威見所部殘弊。爲衆所怨。又畏遼之彊。累表求朝。不許。威不俟報。遽委鎮人朝。桑維翰曰。威居常憑恃勲親。邀求姑息。及疆場多事。翁無守禦之意。宜因此時廢之。庶無後患。晉主不悅。

杜威貪殘畏懦無益於國而有損於民晉主即不能明正刑章亦豈可得授節鉞且維翰數言於其後此之降遼引寇逆料不爽而晉主懽然信覺方以密親為無異志獨忘其父之於後唐乎然晉已負唐而欲望威之必不負晉探之好還之道亦不然矣

曰威朕之密親必無異志但長公主欲相見耳公勿以為疑維翰自是不敢復言以足疾辭位先是晉復以鄴都為天雄軍及

是威令長公主白求天雄節鉞晉主從之

六月晉遣使如遼

遼連歲南侵中國疲于奔命邊民塗地遼人畜亦多死國人厭苦之舒嚕太后謂遼主曰使漢人為胡主可乎曰不可太后曰然則汝何故欲為漢主曰石氏負恩不可容太后曰汝今雖得漢地不能居也萬一蹉跌悔何所及又謂其羣下曰漢兒何得一向眠自古但聞漢和蕃不聞蕃和漢漢兒果能回意我亦何惜與和桑維翰屢勸晉主復請和于遼以紓國患晉主遣使奉表稱臣

詣遼謝過。遼主曰：「使景延廣、桑維翰自來，仍割鎮定兩道隸我，則可和。」晉以遼主語忿，謂其無和意，乃止。

秋八月甲子朔，日食。

晉加馮玉同平章事。

和凝罷，加樞密使。馮玉同平章事，事無大小，悉以委之。

晉主自陽城之捷，謂天下無虞，驕侈益甚，多造器玩。廣宮室，作織錦樓，以織地衣，用工數百。期年乃成，又賞賜優伶，無度。桑維翰諫曰：「曠者陛下親禦胡寇，戰士重傷者，賞不過帛數端。今優人一談一笑，稱旨，往往賜束帛萬錢，錦袍銀帶。彼戰士見之，能不失望。士卒解體，陛下誰與衛社稷乎？」不聽。馮玉每善承迎，益有寵。有疾在家，晉主謂諸宰相曰：「自刺史以上，俟馮玉出，乃得除。」玉乘勢弄權，賂遺輻輳，朝政益壞。

唐兵拔建州，閩主延政出降。

閩自王審知據福建，至延政降唐，凡七主，合六十年。

唐兵圍建州既久，建人離心，或謂董思安：「盍早擇去就。」

思安曰。吾世事王氏。危而叛之。天下其誰容我。衆感其言。無叛者。唐先鋒使王建封上元人先登。遂克建州。閩主延政降。思安整衆奔泉州。初。唐兵之來。建人苦王氏之亂。與楊思恭之重。斂爭伐木開道以迎之。至是。縱兵焚掠。建人大失望。延政至金陵。唐主以爲羽林大將軍。斬楊思恭以謝建人。以王崇文爲永安節度使。崇文治以寬簡。建人遂安。

冬十一月。晉桑維翰罷。

初。晉主疾未平。會正旦。樞密使桑維翰遣女僕入宮。起居太后。因問皇弟睿近讀書否。馮玉因譖桑維翰有廢立之志。李守貞。李彥韜合謀排之。以趙瑩柔而易制。共薦以代維翰。罷維翰政事。爲開封尹。以瑩爲中書令。李

崧爲樞密使。維翰遂稱足疾。希復朝謁。杜絕賓客。或謂
馮玉曰。桑公元老。當優以大藩。奈何使之尹京。親猥細
之務乎。玉曰。恐其反耳。曰。儒生安能反。玉曰。縱不自反。
恐其教人爾。

內晉開運三年。是
午歲。凡四國三鎮。春正月。唐以宋齊邱爲太傅。

唐齊王景達府屬謝仲宣言于景達曰。宋齊邱先帝布
衣之交。今棄之草萊。不厭衆心。景達爲之言于唐主曰。
齊邱宿望。勿用可也。何必棄之以爲名。唐主乃以齊邱
爲太傅。但奉朝請。不預政事。

唐以李建勲馮延巳同平章事。

建勲練習吏事。而懦弱少斷。延巳工文辭而狡佞。喜大

言多樹朋黨。水部郎高越

字冲遠。幽州人。

上書指延巳兄弟過

惡。唐主怒。貶越蘄州司戶。

初唐主置宣政院于禁中。以給事中常夢錫領之。專典機

密。夢錫與中書侍郎嚴續皆忠直無私。唐主謂夢錫曰。大臣惟嚴續中立。然無才。恐不勝其黨。卿宜左右之。未幾。夢錫罷宣政院。續亦出為池州觀察使。夢錫于是稱疾縱酒。不復與朝廷事。

嚴續字興宗。可求之子。

二月壬戌朔日食。

夏四月。唐泉州牙將留從効逐其刺史王繼勲而代之。

從効表聞于唐。唐召繼勲還金陵。以從効為刺史。後從

効兄從願復取漳州。唐不能制。乃建清源軍于泉州。以

從効為節度使。從効遂據泉漳。

從効勤儉養民。部內安洽。每歲取進士明經。謂

之秋。

晉定州指揮使孫方簡

莫州清苑人。

叛降遼。

定州西北有狼山。

在易州西南亦曰郎山其上有西水及姑姑窩等寨。

土人築堡

于山上以避寇。堡中有佛舍。尼孫深意居之。以妖術惑

衆。遠近信奉之。孫方簡及弟行友。自言深意之姪。事之

甚謹。深意死。方簡嗣其術。稱深意坐化。事之如生。其徒

日滋。會晉與遼絕好。北邊寇盜充斥。方簡行友因帥鄉

里豪健。據城自保。遼人入境。帥衆邀擊。頗獲其軍資。人

挈家往依之者益衆。遂爲羣盜。懼爲吏所討。乃歸款朝

廷。朝廷亦資其禦寇。署東北招收指揮使。方簡邀求不

已。朝廷小不副其意。則舉寨降于遼。請爲導。導以入晉。

時河北大饑。民餓死者所在以萬數。盜賊蠭起。吏不能

禁。天雄軍將劉延翰市馬於邊。方簡執之。獻于遼。延翰

逃歸言方簡欲乘中國凶饑引遼南侵宜爲之備。

六月晉復以馮暉爲朔方節度使。

初暉在靈武得羌胡心市馬期年至五千匹晉朝忌之。

徙鎮邠州又徙陝州歲中入爲侍衛都指揮使暉乃厚

事馮玉李彥韜復求靈州會羌胡作亂黨項拓跋彥超最爲大族暉在

鎮留之州下賜予豐厚故諸部不敢爲寇及將罷鎮而

縱之王令溫代鎮不厚撫羌胡以中國法繩之諸部怨皆暉在道擊敗彥超遂入靈州暉

秋七月河決

河決楊劉西入莘縣注見前廣四十里自朝城注見前北流

嗣又溢歷亭等處。

八月晉劉知遠殺白承福夷其族。

晉主數召承福人朝。宴賜甚厚。使戍滑州。屬歲大熟。遣其部落還太原畜牧。多犯法。劉知遠無所縱捨。部落知朝廷微弱。且畏知遠之嚴。謀相與遁歸故地。有白可久者。位亞承福。帥所部先亡歸遼。知遠與郭威謀曰。今天下多事。置此屬于太原。乃腹心之疾也。不如去之。密表吐谷渾反覆。請遷于內地。晉主遣使發其部落。分置諸州。知遠遣威誘承福等入居太原城中。誣以謀叛。殺之。合四百口。吐谷渾由是遂微。

唐攻福州不克。

初。唐人旣克建州。欲乘勝取福州。唐主不許。樞密使陳覺請自往說李仁達。必令入朝。宋齊邱亦薦覺可使。唐

主乃以覺爲宣諭使。厚賜仁達。仁達知其謀。見覺詞色甚倨。覺不敢言入朝事而還。自恥無功。至建州。矯詔發汀建撫信州兵。命馮延魯將之趣福州。唐主以覺專命大怒。羣臣皆言兵業行不可止。唐主乃以王崇文爲招討使。覺延魯魏岑爲監軍使。又命留從効王建封以兵會攻福州。仁達遣使乞師于吳越。吳越王佐令統軍使張筠以兵三萬救之。會唐兵已入福州外郭。吳越兵至。禦之不利。唐諸將爭功。進退不相習。仁達固守第二城。攻之不克。

冬十月。晉遣杜威將兵伐遼。十一月。至瀛州。與遼戰。不利而還。

先是。有自幽州來者。言趙延壽有意歸國。馮王李崧命杜威致書延

壽延壽復書乞發大兵接應。至是。遼使瀛州刺史劉延祚遣樂壽監

軍王巒書請舉城內附。且言城中遼兵不滿千人乞發朝廷發輕騎襲之已為內應。

與杜威屢奏。瀛莫乘此可取。馮王李崧信以為然。欲發

大兵迎趙延壽及延祚。與晉主議之。以威為都招討使。

李守貞為之副。趙瑩私謂馮王曰。杜令國威貴為將相。

而所欲未厭。心常慊慊。豈可復假以兵權。必若有事北

方。不若止任守貞為愈也。不從。十月。下敕榜曰。專發大

軍。往平黠虜。先收瀛莫。安定關南。次復幽燕。盪平塞北。

有能擒獲虜主者。除上鎮節度使。賞錢萬緡。絹萬匹。銀

萬兩。時自六月積雨。至是未止。軍行及饋運者甚艱苦。

威守貞會兵于廣晉而北行。

威屢使公主入奏請益兵。出是禁軍皆在麾下而宿

衛空

十一月至瀛州。城門洞啓。寂若無人。威等不敢進。

聞遼將高謨翰先已引兵潛出。威遣梁漢璋將二千騎追之。漢璋敗死。威等引兵南還。

遼大舉侵晉。十二月。晉將王清戰死。杜威等以兵降遼。遣

兵入大梁。執晉主重貴以歸。殺桑維翰。囚景延廣。

後晉自高祖至

出帝凡二主。合十一年。

遼主大舉侵晉。趣恒州。杜威等聞之。將自冀具而南。張

彥澤時在恒州。引兵會之。言遼可破之狀。威等乃復趣

恒州。以彥澤爲前鋒。與遼夾滹沱而軍。遼恐晉軍急渡

滹沱。與恒州合勢。議引兵還。及聞晉軍築壘爲持久之

計遂不去。

威性懦怯。偏裨皆節度使。但日相承迎。置酒作樂。罕議軍事。

磁州刺史李

穀說威及李守貞曰。今大軍去恒州咫尺。烟火相望。若

多以三股木置水中。積薪布土其上。橋可立成。密約城

中舉火應。夜募壯士斫營而入。表裏合勢。虜必逃遁。諸

將皆以為然。獨威不可。遣穀出督懷孟軍糧。遼以大兵

當晉軍之前。潛遣其將蕭翰。

一名迪里。字罕扎。達魯之子。考五代史。翰號阿巴。入

汴後。李崧為製姓。名曰蕭翰。遼史外戚表。太宗入汴。賜后族小漢曰蕭翰。所載各不同。按迪里舊作敵烈。罕

扎舊作寒真。達魯舊作敵。今並改。將百騎出晉軍之後。斷晉糧

道。及歸路。樵採者遇之。盡為所掠。有逸歸者。皆稱虜眾

之盛。軍中恐懼。十二月。李穀自書密奏。具言大軍危急

之勢。請幸滑州。及發兵守澶州河陽。以備奔衝。杜威奏

請益兵。詔悉發守宮禁者，得數百人赴之。威又遣使告急，還爲遼所獲。自是朝廷與軍前聲問兩不相通。開封尹桑維翰以國家危在旦夕，求見言事。晉主方在苑中調鷹，辭不見。又詣執政言之。執政不以爲然。退謂所親曰：「晉氏不血食矣。」晉主欲自將北征。李彥韜諫而止。詔以高行周、符彥卿共戍澶州。景延廣戍河陽。指揮使王清言于杜威曰：「請以步卒二千爲前鋒，奪橋開道。」公帥諸軍繼之。得入恒州，則無憂矣。威許諾。遣清與宋彥筠俱進。清戰甚銳。遼軍小卻。諸將請以大軍繼之。威不許。彥筠敗走。清獨帥麾下力戰，屢請救。威竟不遣一騎助之。清謂其衆曰：「上將握兵，坐觀吾輩困急而不救。此必

有異志。吾輩當以死報國。爾衆感其言。莫有退者。至暮戰不息。遼以新兵繼之。清及士衆盡死。由是諸軍皆奪氣。遼人遙以兵環晉營。軍中食盡。威與李守貞、宋彥筠謀降遼。威潛遣腹心詣遼主牙帳。邀求重賞。遼主給之曰。趙延壽威望素淺。恐不能帝中國。汝果降者。當以汝爲之。威喜。遂定降計。伏甲召諸將出降。表使署名。諸將駭愕。聽命。命軍士出陳于外。軍士皆踊躍。以爲且戰。威親諭之曰。今食盡途窮。當爲汝曹共求生計。因命釋甲。軍士皆慟哭。聲振原野。遼主遣趙延壽衣赭袍。至晉營慰撫士卒。亦以赭袍衣威。其實皆戲之耳。威引遼主至恒州城下。順國節度使王周亦出降。

先是遼主屢攻易州。刺史郭磷固守。

拒之。遼主每過城下，指而歎曰：「吾能吞併天下，而爲此人所扼。」至是，遣通事耿崇美至易州，誘說其衆，衆皆降。璘不能制，遂爲崇美所殺。杜威之降也，皇甫遇初不預謀。遼主欲遣遇先入大梁，遇辭退，謂所親曰：「吾位爲將，相敗不能死，忍復圖其主乎？」至平棘，謂從者曰：「吾不食累日矣，何面目復南行？」遂扼吭而死。郭璘，邢州人。

遼主引兵而南，杜威將降兵以從，遣張彥澤將二千騎，

先取大梁，以通事傅住兒爲都監。彥澤倍道疾驅，夜渡

白馬津。晉主召李崧、馮玉、李彥韜入禁中計事，欲詔劉

知遠發兵入援。明日，彥澤自封邱門斬關而入，城中大

擾。晉主于宮中起火，自攜劔驅後宮赴火，爲親軍將薛

超遼州平城人所持。俄而彥澤傳遼主與太后書慰撫之，且

召桑維翰、景延廣。晉主乃命滅火，與后妃聚泣，召范質

草降表。表稱孫男臣重貴，禍至神惑，運盡天亡，今與太后及妻馮氏舉族面縛待罪，遣男延煦、延寶奉

國寶出迎。太后亦上。傳住兒入宣遼主命。晉主脫黃袍。

表稱新婦李氏妾。

服素衫拜受。左右皆掩泣。使召張彥澤欲與計事。彥澤

微笑不應。以晉主命召桑維翰。維翰至天街。遇李崧。駐

馬。語未畢。有軍吏于馬前揖維翰赴侍衛司。維翰知不

免。顧謂崧曰。侍中當國。今日國亡。反令維翰死之。何也。

崧有愧色。彥澤倨坐。見維翰。維翰責之曰。公領大鎮。握

彊兵。何乃負恩至此。彥澤無以應。遣兵守之。彥澤自謂

旗幟皆題赤心為主。見者笑之。中書舍人李濤謂人曰。

吾與其逃于溝瀆而不免。不若往見之。乃投刺謁彥澤。

曰。上疏請殺太尉人李濤。謹來請死。彥澤欣然接之。謂

濤曰。舍人懼乎。濤曰。濤今日之懼。亦猶足下昔年之懼

也。曷使高祖用濤言。事安至此。彥澤大笑。命酒飲之。彥

濤引滿而去。旁若無人。李濤請誅彥澤。事具前。彥

澤遷晉主于開封府。頃刻不得留。見者流涕。晉主悉以

內庫金珠自隨。彥澤曰：此物不可匿也。晉主悉歸之。亦分以遺彥澤。彥澤遣指揮使李筠以兵守晉主。內外不通。所上遼主表章皆先示彥澤。然後敢發。晉主使取內庫帛。主者不與。曰：此非帝物也。求酒于李筠。筠亦辭不進。欲見李彥韜。彥韜亦不往。馮玉佞彥澤。求自送傳國寶。冀遼復任用。彥澤殺桑維翰。以帶加頸。白遼主云：其自經。遼主命厚撫其家。高行周、符彥卿皆詣遼降。遼主賜晉主手詔曰：孫勿憂。必使汝有噉飯之所。又以所獻傳國寶非真。詰之。晉主奏頃王從珂自焚。舊傳國寶不知所在。此寶先帝所爲。羣臣備知。乃止。有司欲使晉主銜璧牽羊。大臣與櫬迎于郊外。遼主曰：吾遣奇兵取大

梁非受降也。不許。又詔晉文武羣僚。一切如故。朝廷制
度。並用漢禮。遣兵趣河陽。捕景延廣。延廣見遼主于封
邱。遼主詰之曰。致兩主失歡。皆汝所爲也。十萬橫磨劍
安在。召喬榮使相辨證。延廣初不服。榮以紙所記語示
之。乃服。延廣伏地請死。乃鎖之。

丁二月。漢高祖劉知遠立。仍稱晉天福十二年。
未六月。改號漢。是歲。晉亡。漢興。凡四國三鎮。春正月。遼

主德光入大梁。殺張彥澤。景延廣自殺。

正月朔。百官遙辭晉主于城北。乃易素服紗帽。迎遼主。
伏路側請罪。遼主命起。改服撫慰之。晉主太后迎于封
邱門外。遼主辭不見。遂入門。民皆驚走。遼主遣通事諭
之曰。我亦人也。汝曹勿懼。會當使汝曹蘇息。我無心南

來。漢兵引我至此耳。至明德門下馬拜而後入。日暮復

出屯于赤岡。

在開封府城東北。

先是張彥澤與晉閭門使高勲

不協。及引遼入汴。殺勲叔父及弟。至是勲訴于遼。遼主

亦怒彥澤剽掠京城鎖之。百姓爭投牒疏彥澤罪。遂與

傅住兒俱斬北市。仍命高勲監刑。彥澤前所殺士大夫

子孫皆經杖號哭詬罵。以杖扑之。勲命剖其心以祭死

者。市人爭破腦取髓。嚙其肉而食之。遼送景延廣歸其

國宿陳橋。

驛名。今爲鎮。在開封府祥符縣東北。

夜扼吭而死。

遼封晉主重貴爲負義侯。徙之黃龍府。

故城在今奉天府開原縣。遼史地理

志。黃龍府本渤海扶餘府。太祖征渤海還至此。有黃龍見城上。故名。後廢。

遼主使遷晉主及其家人于封禪寺。以兵守之。數遣使

存問。時雨雪連旬。外無供億。上下凍餒。太后使人謂寺僧曰。吾嘗于此飯僧數萬。今日獨無一人相念邪。僧辭以虜意難測。不敢獻食。晉主陰祈守者。乃稍得食。既而遼命遷之黃龍府。考通鑑以黃龍爲卽慕容氏之。和龍城。蓋因南史謂北燕馮氏爲黃龍國。故引之。不知燕之和龍在遼水之西。遼之黃龍在混同江之南。其地相去甚遠。南史所謂黃龍國者。蓋亦一時漫語。未嘗實指其地。不得引以爲據也。

遼以李崧爲樞密使。馮道爲太傅。晉諸藩鎮皆降。

遼主引兵入宮。諸門皆以遼兵守衛。磔犬懸羊皮爲厭勝。謂晉羣臣曰。自今不修甲兵。不市戰馬。輕賦省役。天下太平矣。改服中國衣冠。百官起居皆如舊制。趙延壽。張礪共薦李崧。會馮道自鄧州入朝。遼主素聞二人名。

從古第一無恥者莫如馮
道時人善其言不過以其
詭辭止殺耳然彼時打草
穀者自若何曾為之止暴
哉則道之俳語仍屬諂諛
之意而時乃矐之豈不大
謬

皆禮重之以崧為太子太師充樞密使道守太傅于樞

密院祇候

道之入朝也遼主謂之曰爾是何等老子對曰無才無德癡頑老子遼主喜又嘗問曰天

下百姓如何救得道為俳語以對曰此時

佛出救不得惟皇帝救得時人善其言

遼主遣使以詔賜晉之藩鎮諸藩鎮爭上表稱臣惟彰義節度使史

匡威

建塘之子

據涇州拒遼而雄武節度使何重建以秦階

成州降蜀

遼分遣晉降卒還營

初杜重威

重威在晉避晉主諱名威至是復舊名

既以晉軍降遼遼主悉

收其鎧仗貯恒州驅馬歸其國遣重威將其眾從已而

南及河恐其為變欲悉以胡騎擁而納之河流或謀曰

晉兵在他所者尚多彼聞降者盡死必皆拒命不若且

延壽性晉歸趙特為覬覦
非望其勸留陳橋降卒數
言無識者或以為乃心北
朝亦陰為晉軍釋長平慘
壽可云小人一節之善不
知遼主必不久處大梁延
壽方意南朝軍國入已掌
握特欲藉是以外結人心
且自張羽翼耳為遼為晉
之論何異癡人說夢耶

撫之徐思其策遼主乃使重威以其眾屯陳橋會久雪
凍餒咸怨重威重威每出道旁人皆罵之遼主猶欲誅

晉兵趙延壽說之

延壽曰皇帝親冒矢石以取晉國欲自有之乎將為他人取之乎遼主變

色曰朕舉國南征五年不解甲僅能得之豈為他人乎
延壽曰晉國南有唐西有蜀常為讐敵東西數千里常
以兵戍之南方暑濕上國之人不能居也他日車駕北
歸無兵守之吳蜀必相與乘虛入寇如此豈非為他人
取之乎遼主曰然則奈何延壽曰陳橋降卒分以戍邊
則吳蜀不能為患矣遼主曰昔吾失于斷割悉以唐兵
授晉既而反為仇讐今幸入吾手豈可復留以為後患
乎延壽曰鄙留晉兵不質其妻子故有此憂今若悉徙
其家于恒朔每歲分番使戍南邊何憂其為變乎

遼主悅由是陳橋兵始得免

分遣還營

故晉主重貴發大梁

晉主與太后安太妃馮后及弟睿子延煦延寶俱北遷

從者百餘人。遼遣三百騎拔送。又遣趙瑩、馮玉、李彥韜與之俱。在塗供饋不繼。或時絕食。舊臣無敢進謁者。獨磁州刺史李穀迎謁于路。傾貲以獻。晉主至中度橋。舊在正定府城東南。跨淳沱河上。見杜重威寨。歎曰：「天乎！我家何負，爲此賊所破，慟哭而去。」

遼縱兵大掠。遣使括借士民錢帛。

遼主廣受四方貢獻。大縱酒作樂。趙延壽請給上國兵食。遼主曰：「吾國無此法。乃縱胡騎四出剽掠。謂之打草穀。丁壯斃于鋒刃。老弱委于溝壑。自東西兩畿及鄭滑曹濮數百里間。財畜殆盡。」遼主謂判三司劉昫曰：「遼兵應有優賜。速宜管辦。」時府庫空竭。昫請括借都城士民

錢帛。又分遣使者數十人詣諸州括借。皆迫以嚴誅。民不聊生。其實無所頒給。皆蓄之內庫。欲輦歸其國。由是內外怨憤。始患苦遼。皆思逐之矣。

晉劉知遠遣使奉表于遼。

初。晉主忌河東節度使北平王劉知遠。以爲北面行營都統。知遠因之廣募士卒。又得吐谷渾財畜。由是富彊。步騎至五萬人。晉主與遼結怨。知遠知其必危。而未嘗論諫。遼屢深入。知遠初無邀遮入援之志。及聞遼主人汴。乃分兵守四境。遣客將王峻字秀峰。安陽人。奉表稱臣。遼主賜詔褒美。親加兒字于知遠姓名之上。仍賜以木枴。虜法以優禮大臣。如漢賜几杖之比。旣而遼主以知遠觀望不至。使謂曰。汝不

事南朝。又不事北朝。意欲何所俟邪。孔目官郭威言于知遠曰。虜恨深矣。王峻言。契丹貪殘。失人心。必不能久。有中國。或勸知遠舉兵進取。知遠曰。用兵當隨時制宜。今契丹新據京邑。未有他變。豈可輕動。且觀其所利。止于得財貨。財貨既足。必將北去。況冰雪已消。勢難久留。宜待其去。然後取之。可以萬全。王峻。劉知遠。各言契丹。仍依當日原文書說具前。

荆南節度使高從誨遣使入貢于遼。又遣使詣河東勸進。唐主立其弟景遂為太弟。

唐主立其弟齊王景遂為皇太弟。從景達為齊王。子冀為燕王。景遂嘗與官僚燕集。贊善大夫張易有所規諫。景遂方與客傳玩玉杯。弗之顧。易怒曰。殿下重寶而輕士。取怀抵地碎之。眾皆失色。景遂斂容謝之。待易益厚。景達性剛直。唐主嘗與宗室近臣飲。馮延巳。延魯。魏岑。陳覺輩。極傾詔之態。景達屢呵責之。復極言諫。唐主以不宜親近佞臣。延巳以二弟立非已意。欲以虛言德之。嘗宴東宮。陽醉。撫景達背曰。爾不可忘我。景達大怒。入白唐主。請斬之。唐主諭解乃止。張易謂景達曰。

羣小交搆禍福所繫殿下力未能去數面折之使彼懼
而爲備何所不至自是每遊宴景達多辭疾不預張
易字簡能掖縣人

唐遣使如遼

唐主遣使賀遼滅晉且請詣長安修復諸陵遼主不許
而晉密州刺史皇甫暉棣州刺史王建皆避遼帥衆奔
唐淮北賊帥多請命于唐唐史館修撰韓熙載上疏曰
陛下恢復祖業今也其時若虜主北歸中原有主則未
易圖也時方連兵福州未暇北顧唐人皆以爲恨唐主
亦悔之

二月遼行朝賀禮大赦以趙延壽爲中京留守

遼主召晉百官問曰中國之俗異于吾國吾欲擇一人

遼國勢強盛時經畧中原所過摧枯拉朽幾於大業可成乃甫入大梁即襲用通天絳紗尋復呼仗閭門赭袍從事捐淳龐而徇淨譽非開初所宜抑且忘本不祥天道厭之宜其未及旋轅遽嬰多敵也其後金元皆惑迂生改正易服之說蔑棄章亡不旋踵讀史者可不戒諸

君之如何。皆曰夷夏之心。皆願推戴皇帝。二月朔。遼主服通天冠。絳紗袍。登正殿。設樂縣儀衛于庭。百官朝賀。下制稱大遼會同十年。大赦。趙延壽以遼主負約。心怏怏。乞爲皇太子。遼主曰。皇太子當以天子兒爲之。豈燕王所可爲也。因令爲延壽遷官。時遼以恒州爲中京。張礪奏擬延壽中京留守。大丞相錄尙書事。都督中外諸軍事。遼主取筆塗去錄尙書事。都督中外諸軍事。而行之。

晉劉知遠稱帝于晉陽。

河東將佐勸知遠稱尊號。以號令四方。知遠不許。聞晉主北遷。聲言欲出兵井陘。迎歸晉陽。命指揮使史弘肇

字化源鄆州榮澤人集諸軍告以出師之期軍皆曰今天下無

主主天下者非我王而誰宜先正位號然後出師爭呼

萬歲不已知遠曰虜勢尙强吾軍威未振當且建功業

士卒何知命左右遏止之郭威與都押衙楊邠魏州冠氏人

入說知遠曰此天意也王不乘此取之人心一移則反

受其咎矣知遠從之遂卽位自言未忍改晉國又惡開

運之名乃更稱天福十二年詔諸道爲遼括率錢帛者

皆罷之

晉主知遠自將迎故晉主重貴至壽陽晉縣今屬山西平定州而還

知遠自將東迎故晉主至壽陽聞已過數日乃留兵戍

承天軍注見前而還故晉主旣出塞遼人無復供給至錦

州。遼置今爲府屬奉天令拜按巴堅墓。故晉主不勝屈辱。泣曰。薛

超誤我。馮后求毒藥。欲與故晉主俱自殺。不果。

晉遣賊帥梁暉襲取相州。殺遼守兵。

遼主聞知。遠卽位。遣耿崇美守澤潞。高唐英守相州。崔廷勲守河陽。以控扼要害。時遼主多以其子弟及親信爲節度刺史。不通政事。華人之狡獪者。多往依其麾下。教之妄作。民不堪命。于是所在相聚爲盜。多者數萬人。少者不減千百。潞陽賊帥梁暉有衆數百。送款晉陽。磁州刺史李穀密表令暉襲相州。暉偵知。高唐英未至。夜遣壯士踰城。啓關納衆。殺遼兵數百。據州。自稱留後。已而陝。晉。潞。州。皆殺遼使者。奉表請晉陽。

晉主知遠還晉陽。

知遠還至晉陽。議率民財以賞將士。夫人李氏諫曰。陛下因河東創大業。未有以惠澤其民。而先奪其生生之資。殆非新天子所以救民之意也。請悉出宮中所有以勞軍。雖復不厚。人無怨言。知遠從之。中外大悅。

濟州賊帥王瓊攻遼將朗烏。

舊作郎五。今改正。不克而死。

鎮寧節度使耶律朗烏性殘虐。澶州人苦之。賊帥王瓊帥其徒千餘人圍朗烏于牙城。遼主聞之懼。遣兵救之。瓊敗死。然遼主自是無久留河南之意矣。

遼以李從益爲許王。

唐王淑妃與郇公從益居洛陽。趙延壽夫人明宗女也。

淑妃詣大梁會禮。遼主見而拜之曰。吾嫂也。以從益爲許王。復歸于洛。

遼以張礪和凝同平章事。

羣盜陷宋毫密州。

東方羣盜大起。陷宋毫密三州。遼主謂左右曰。我不知中國之人難制如此。亟遣泰寧女審琦武寧符彥卿等歸鎮。

三月朔。遼行入閤禮。

唐故事。天子正殿謂之衙。衙有仗。便殿謂之閤。其御便殿也。自正衙喚仗。

由閤門而入。百官俟朝者。因隨之入見。謂之入閤。

遼主服赭袍。坐崇元殿。百官行入閤禮。

晉主知遠遣使安集農民保山谷避遼者。

遼以蕭翰爲宣武節度使。

遼主謂晉百官曰。天時向暑。吾難久留。欲暫至上國省太后。乃以汴州爲宣武軍。以蕭翰爲節度使。翰。舒嚕太后之兄子。其妹復爲遼主后。自翰以蕭爲姓。于是遼后

族皆稱蕭氏。

說已具前。

吳越復遣兵救福州。擊敗唐兵。遂取福州。

吳越遣余安將水軍救福州。至白蝦浦。

卽白龍江別名。在福州府城南。

海岸泥淖。須布竹簣乃可行。唐軍聚而射之。簣不得施。

馮延魯欲縱其登岸而盡殺之。裨將孟堅曰。浙兵至此已久。求一戰而不可得。若聽其登岸。彼必致死于我。其鋒不可當。安能盡殺乎。不聽。吳越兵旣登岸。大呼奮擊。

延魯棄衆而走。孟堅戰死。城中兵亦出夾擊唐兵。大破之。唐軍燒營而遁。死者二萬餘人。委棄資械數十萬。府庫爲之耗竭。余安引兵入福州。李仁達舉所部授之。後仁達爲吳越戍將所殺夷其族。

遼主德光發大梁。

遼主發大梁。晉文武諸司諸軍吏卒從者皆數千人。宮女宦官數百人。盡載府庫之實以行。謂宣徽使高勲曰。吾在上國。以射獵爲樂。至此令人悵悵。今得歸。死無恨矣。至相州。梁暉乘城拒守。遼攻之。及城陷。盡殺城中男子。驅其婦女而北。遺民僅七百人。而髑髏至十餘萬。遼主見所過城邑邱墟。謂羣臣曰。致中國如此。皆燕王之罪也。顧張礪曰。汝亦有力焉。

晉主知遠以其弟崇爲太原尹。劉崇有太原始此。

夏四月。晉以劉信

漢主從弟。

史弘肇為侍衛指揮使。楊邠為樞

密使。郭威為副使。王章

魏州南樂人。

為三司使。

晉以蘇逢吉

京兆長安人。

蘇禹珪

密州人。

同平章事。

時制度草創。皆出逢吉。然素不學問。與禹珪同在中書。

決事多違舊制。而逢吉尤納賄賂。謗者譴沸。

晉以折從阮為永安軍節度使。

從遠入朝。更名從阮。

避晉主名也。

置永安軍于府州。

注見前。

以

從阮為節度使。

遼侵潞州。晉遣史弘肇救之。鄭謙守忻。代。閻萬進

并州人。

守

嵐。憲

憲州。唐末置。治樓煩。故城在今忻州靜樂縣。

遼昭義節度使耿崇美屯澤州。將攻潞州。晉主遣史弘

肇將兵救之。又以鄭謙為忻代都部署。閻萬進為嵐憲都制置使。知遠聞遼主北歸。欲經畧河南。故以弘肇為前驅。而遣二人出北方。以分遼兵勢。

晉以武行德

太原榆次人。

為河陽節度使。

遼以船載晉鎧仗。汴河歸國。命寧國都虞候武行德部送之。至河陰。行德與將士謀曰。虜勢不能久留中國。不若共逐其黨。堅守河陽。以俟天命之所歸者。而臣之眾以為然。即相與殺遼監軍使。會崔廷勲以兵送耿崇美之潞州。行德遂乘虛入據河陽。遣弟行友奉蠟表詣晉陽。晉主以行德為河陽節度使。遼主聞之。歎曰。我有三失。宜天下之叛我也。諸道括錢。一失也。令上國人打草穀。二失也。不早遣諸節度使還鎮。三失也。

唐流陳覺于蘄州。馮延魯于舒州。

唐主以矯詔敗軍。皆陳覺、馮延魯之罪。議斬二人以謝

中外。御史中丞江文蔚字君章建安人對仗彈馮延巳。魏岑曰。

延巳、延魯、岑、覺四人皆陰狡弄權。壅蔽聰明。排斥忠良。

引用羣小。今覺、延魯雖伏辜。而延巳、岑猶在同罪。異誅。

人心疑惑。唐主以文蔚言太過。怒。貶江州司士叅軍。流

覺于蘄州。延魯于舒州。知制詔徐鉉史館修撰韓熙載上疏曰。覺、延魯罪不容誅。但齊

邱延巳爲之陳請。故陛下赦之。擅興者不罪。則疆場有

生事者矣。喪師者獲存。則行陳無效死者矣。請行顯戮。

以重軍威。不從。但罷延巳爲太弟少保。貶岑、太子洗馬。

熙載屢言宋齊邱黨與。必爲禍亂。齊邱奏熙載嗜酒猖

狂。貶和州司士叅軍。徐鉉字鼎臣。揚州廣陵人。

遼主德光殂。趙延壽入恒州。自稱權知南朝軍國事。

遼主至臨城得疾至殺狐林

在正定府樂城縣西北王幼學曰村民于林中射狐

殺之而殂國人剖其腹實鹽數斗載之北去晉人謂之

帝羝趙延壽恨遼主負約即日引兵入恒州遼永康王

鄂約

東丹王托允子托允入中國曰李贊華爲唐廢帝所殺鄂約立追諡讓國皇帝按鄂約舊作兀欲

今改以兵繼入遼諸將密議奉以爲主延壽不知自稱

受遼皇帝遺詔權知南朝軍國事所以供給鄂約與諸

將同鄂約銜之

遼主喪至國舒嚕太后不哭曰待諸部寧一如故則葬汝矣

五月遼鄂約執趙延壽而自立

鄂約召延壽及張礪等飲鄂約妻素以兄事延壽從容

謂曰妹自上國來寧欲見之乎延壽與俱入良久鄂約

出謂礪等曰燕王謀反適已鎖之矣又曰先帝在汴時

遺我一籌許我知南朝軍國。近者臨崩。別無遺詔。而燕
王擅自知南朝軍國。豈理邪。後數日。集番漢之臣于府
署。宣述主遺制。卽皇帝位。旣而鄂約以德光有子在國。
已以兄子襲位。又無舒嚕太后之命。內不自安。乃勒兵
歸。以滿達勒德光從弟。舊爲中京留守。鄂約之卽位。作麻答。今改正。
尋卽易去。以見羣臣。不復行喪。歌吹之聲。不絕于內。及
歸。晉文武吏卒皆留恒州。獨以後宮宦者教坊自隨。
晉以劉崇爲北都留守。

晉主知遠集羣臣議進取。諸將咸請出師并陘。攻取鎮

魏知遠欲自石會

關名。注見前。

趨上黨。郭威曰。虜主雖死。黨

衆猶盛。各據堅城。我出河北。兵少路迂。傍無應援。若羣
盜合勢。共擊我軍。糧餉路絕。此危道也。上黨山路險澁。

粟少民發無以供億亦不可由。近者陝晉相繼歎附。引兵從之。萬無一失。不出兩旬。洛汴定矣。知遠曰。卿言是也。詔諭諸道。以太原尹崇爲北京留守。

楚王希範卒。

諡文昭。

弟希廣。

字德嗣。

希廣希範之母弟也。性謹順。希範愛之。使判內外諸司事。希範卒。將佐議所立。張少敵袁友恭以武平節度使知永州事。希範最長。請立之。劉彥瑫李弘皐皆欲立希廣。拓跋恒曰。三十郎居長。請遣使以禮讓之。不然必起爭端。彥瑫等不從。稱希範遺命。共立希廣。少敵退而歎曰。禍其始此乎。與拓跋恒皆稱疾不出。

晉主知遠發太原出晉絳。

晉史弘肇克澤州。遼將崔廷勲等遁去。

弘肇攻澤州。刺史翟令奇固守不下。知遠以弘肇兵少。欲召還。使問之。弘肇曰。兵已及此。勢如破竹。可進不可退。乃遣李萬超說令奇。令奇降。崔廷勲耿崇美奚王伊喇擁衆北遁。遼人在河南者。相繼引去。弘肇爲人沈毅。將校小不從命。立搃殺之。士卒所過。犯民田。及繫馬于樹者皆斬。軍中惕息。莫敢犯令。故所向必克。知遠自晉陽安行及汴。兵不血刃。皆弘肇力也。知遠由是倚重之。

遼將蕭翰。劫李從益。稱帝于大梁。遂北走。從益避位。

翰聞劉知遠擁兵而南。欲北歸。恐中國無主。必大亂。已不得從容而去。時唐許王從益與王淑妃在洛陽。翰矯遼主命。以從益知南朝軍國事。召已赴恒州。淑妃從益。

匿于徽陵下宮。不得已而出。翰立以爲帝。帥諸酋長拜之。百官謁見淑妃。淑妃泣曰。吾母子單弱如此。而爲諸

公所推。是禍吾家也。翰留燕兵千人爲從益衛而行。

從益

遣使召高行周。武行德。皆不至。淑妃懼。召大臣謀之曰。吾母子爲蕭翰所逼。分當滅亡。諸公無罪。宜早迎新主。自求多福。勿以吾母子爲意。衆感其言。不忍去。或曰。今集諸營與燕兵併力堅守一月。北救必至。淑妃曰。吾母子亡國之餘。安敢與人爭天下。若新主見察。當知我無所負。今更爲計畫。則禍及他人。闔城塗炭。終何益乎。衆猶欲拒守。三司使劉審交曰。城中公私窮竭。遺民無幾。若復受圍一月。無噍類矣。願諸公勿復言。一從太妃處分。

劉審交字求益。幽州文安人。

從益乃用趙遠翟光鄴策。稱梁王知

軍國事。遣使奉表稱臣。迎知遠仍出居私第。

蕭翰至恒州與滿達

勒以鐵騎圍張礪之第。執而鎖之。礪抗聲曰。欲殺卽殺。奚以鎖爲。是夕憤恚而死。

六月。吳越王佐卒。

諡忠獻。

弟侖嗣。

從益知南朝軍國事由還
脅爲之勢不由已其於後
漢亦重無名分之嫌必當
如宋之誅張邦昌也知遠
曾身事明宗至此並無一
盂麥飯之念湘陰狼狽宜
其及已

晉主知遠入洛陽遣使殺李從益

知遠至洛陽汴州百官奉表來迎諭以受遼補署者皆

勿自疑聚其告牒而焚之命鄭州防禦使郭從義

沙陀部人

家太原先入大梁清宮密令殺李從益及王淑妃淑妃且

死曰吾兒何罪而死何不留之使每歲寒食以一盂麥

飯灑明宗陵乎聞者泣下

晉主知遠入大梁諸鎮多降始改國號曰漢

知遠發洛陽樞密院使魏仁浦

字道濟衛州汲人

自遼逃歸郭

威問以兵數及故事仁浦強記精敏威由是親任之知

遠至大梁晉之藩鎮相繼來降復以汴州爲東京改國

號曰漢仍稱天福年曰余未忍亡晉也

遼主鄂約幽其祖母于木葉山。

注見前。

遼舒嚕太后聞鄂約自立大怒發兵拒之鄂約以偉王

爲前鋒相遇于石橋太后以李彥韜

時從晉主北遷隸太后麾下。

爲

排陳使彥韜迎降于偉王太后兵敗鄂約幽太后于按

巴堅墓改元天祿自稱天授皇帝慕中華風俗多用晉

臣而荒於酒色輕慢諸酋長由是國人不附諸部數叛

故數年之中不暇南侵。

唐以李金全爲北面招討使。

唐主聞遼主德光殂蕭翰棄大梁去下詔曰乃眷中原

本朝故地以金全爲北面行營招討使議經畧北方聞

漢已入大梁遂不敢出兵。

秋七月。漢以杜重威爲歸德節度使。重威拒命。漢發兵討之。

重威自以降遼。負中國。內常疑懼。移鎮制下。拒而不受。

遣子質于滿達勒求援。滿達勒遣其將楊衮將遼兵千

五百人。及幽州兵赴之。詔削奪重威官爵。以高行周爲

招討使。慕容彥超副之。以討重威。時兵荒之餘。公私匱竭。王章白漢主。罷不

急之務。省無益之費。以奉軍用。度充贍。

閏月。漢立高祖。世祖及四親廟。

恒州將何福進。河南人。李榮。太原人。逐遼將滿達勒遣使降漢。

滿達勒貪猾殘忍。民間珍貨美女。必奪取之。又捕村民。

誣以爲盜。披面抉目。焚炙而殺之。常疑漢兵。稍稍廢省。

又損其食以餉胡兵。衆心怨憤。聞漢主入大梁。皆有南歸之志。前潁州防禦使何福進。控鶴指揮使李榮。潛結軍中壯士。奪守門者兵。因突入府。據甲庫。召漢兵及市人給鎧仗。焚牙門。與遼人戰。榮召諸將并力。指揮使白再榮。史不詳何所人狐疑。軍吏逼之。不得已而行。諸將繼至。煙

火四起。鼓譟震地。滿達勒等大驚。載寶貨家屬。走保北城。而漢兵無所統壹。貪狡者乘亂剽掠。懦者竄匿。八月朔。遼人自北門入。勢復振。漢民死者二千餘。前磁州刺史李穀。恐事不濟。請馮道等至戰所。慰勉士卒。士卒爭自奮。會日暮。有村民數千。謀于城外。欲奪遼寶貨婦女。衆懼而北遁。滿達勒崔廷勲。皆奔定州。與義武耶律忠

鳥即則合。馮道等四出安撫兵民。以再榮位在福進等上。

乃以爲權知留後。具以狀聞。且請援兵。漢主遣飛龍使。

李彥從將兵赴之。再榮貪虐。漢人嘗事。滿達勒者皆拘之以取其財。恒人謂之白滿達勒。已

而漢以再榮爲成德留後。尋爲恒人使。踰年。始以何福進。李榮爲刺史。

八月。漢制盜賊毋問贓多少皆死。

時四方盜賊多。朝廷患之。故重其法。仍分命使者逐捕。

楚王希廣以其兄希萼守朗州。

希廣庶弟希崇。性狡險。陰遣希萼書言。劉彥瑫等違先

王之命。廢長立少。以激怒之。希萼來奔喪。彥瑫白希廣。

遣指揮使周延誨等將水軍逆之。不聽入。希萼求還。延

誨勸希廣殺之。希廣曰。吾何忍殺兄。寧分潭朗而治之。

乃厚贈希萼。遣還朗州。希宗嘗爲希萼訶希廣。語言動作。悉以告之。約爲內應。

荆南襲漢襄郢。不克。

初。荆南介居湖南嶺南之間。地狹兵弱。自武信王季興時。諸道入貢。過其境者。多掠奪其貨幣。及諸道詰讓加兵。不得已。復歸之。及從誨立。唐晉遼漢更據中原。南漢閩吳蜀皆稱帝。從誨利其賜予。所向稱臣。諸國賤之。謂之高無賴。

九月。漢以竇貞固

字體仁。同州白水人。李濤同平章事。

初。漢主與竇貞固俱事晉高祖。雅相知重。及卽位。欲以爲相。問蘇逢吉。其次誰可者。逢吉與李濤善。因薦之。會

高行周慕容彥超共討杜重威。彥超欲急攻城。行周欲緩之。以待其弊。行周女爲重威子婦。彥超揚言行周以女故。愛賊不攻。由是二將不協。漢主恐生他變。欲自將擊重威。意未決。濤上疏請親征。漢主大悅。以濤有宰相器。制貞固。濤並同平章事。詔幸澶魏勞軍。

冬十月。漢晉昌節度使趙匡贊。

字元輔。

叛降于蜀。

匡贊。延壽之子也。恐不爲漢所容。遣使降蜀。漢主如澶魏勞軍。十一月。杜重威出降。

漢主至鄴都城下。舍于高行周營。行周言曰。城中食未盡。急攻徒殺士卒。未易克也。不若緩之。彼食盡自潰。漢主然之。慕容彥超數因事陵轢行周。行周泣訴于執政。

蘇逢吉楊邠密以白漢主。漢主命二臣和解之。又召彥

超于帳中責之。且使詣行周謝。初。遼留幽州兵千五百

人戍汴。漢主至。盡殺之于繁臺。

在開封府祥符縣東南。九域志。本梁孝王吹臺。

其後有繁姓居其側。人遂以姓呼之。之下。至是。張璉將幽州兵二千助重

威。漢主遣人招諭。許以不死。璉曰。繁臺之卒。何罪而戮。

今守此以死爲期耳。由是城久不下。十一月。重威食竭。

力盡。開門出降。城中餒死者什七八。張璉先邀朝廷信

誓。詔許以歸鄉里。及出降。殺之。郭威請殺重威牙將百

餘人。并重威家貲籍之。以賞戰士。從之。以重威爲太傅。

重威每出入。路人往往擲瓦礫詬之。

十二月。漢主之子開封尹承訓卒。

承訓孝友忠厚。達于從政。人皆惜之。

漢主還大梁。

漢鳳翔節度使侯益

汾州平遙人

叛降于蜀。

吳越統軍使胡進思廢其君侬而立其弟俶。

字文德

侬性剛嚴。統軍使胡進思恃迎立功。干預政事。侬惡之。

有所謀議。數面折之。進思恨怒不自安。侬與指揮使何

承訓謀逐之。承訓反以謀告進思。進思作亂。帥親兵戎

服入見。侬叱之不退。猝愕。

言侬倉猝驚愕

趨入義和院。進思鎖

其門。矯稱王命。告中外云。猝得風疾。傳位于俶。因帥諸

將迎俶于私第。稱侬之命。承制授俶鎮海鎮東節度使。

俶曰。能全吾兄。乃敢承命。不然。當避賢路。進思許之。俶

兇終弟及雖從權而不詭
於正未聞兄在而弟可以
代其位者况謀出奸臣廢
立乎俶既能與進思立約
始出視事則其進退尚非
不克自主者乃承訓請除
元惡則以反覆伏誅而進
思脅制故君竟以含容廢
法使非隱德其援立之功
何用刑軒輊乃爾况衣錦
軍之遣誰遣使之臨行之
教戒丁寧特外博友愛虛
名其心則不可問也使非
薛溫衛救似其能免篡逆
之罪耶

始視事。

俶遷宗于衣錦軍。遣都頭薛溫將親兵衛之。戒

而何承訓請誅胡進思。俶惡其反覆殺之。進思屢勸俶
殺俶。俶不許。進思詐以王命密令薛溫害之。溫不從。進
思乃夜遣其黨二人踰垣而入。俶闔戶大呼。溫聞之率
衆而入。斃二人于庭中。以告俶。俶大驚曰。全吾兄。汝之
力也。由是益忌進思。

進思憂懼疽發背死。

戊漢乾祐元年二月。隱帝承

春正月。漢遣將軍王景崇。邢

人。等經畧關中。

漢主以趙匡贊侯益與蜀兵共為寇。患之。會回鶻入貢。

訴稱為黨項所阻。乞兵應接。詔將軍王景崇齊藏珍將

禁軍數千赴之。因使之經畧關西。

久。晉昌節度判官李恕

壽使之佐匡贊。匡贊將入蜀。恕諫曰。漢家新得天下。方
務招懷。若謝蜀歸朝。必保富貴。入蜀非全計也。匡贊乃
遣恕奉表請入朝。景崇等未行。而恕至。漢主許之。侯益
亦請赴聖壽節。上壽。景崇等將行。帝召入卧內敕之曰。

二人之心皆未可知。爾至彼。彼已入朝。則勿問。若尙遷延顧望。當以便宜從事。

漢主更名暍。

趙匡贊侯益叛蜀還漢。王景崇等擊蜀兵敗之。

趙匡贊不俟李恕反命已離長安。王景崇等至長安。聞

蜀兵已入秦川。發本道及趙匡贊牙兵千餘人同拒之。

恐牙兵亡逸。欲文其面。微露風旨。軍校趙思綰

魏州人。

首

請自文面以帥下。景崇悅。齊藏珍竊言曰。思綰凶暴難

制。不如殺之。景崇不聽。蜀將李廷珪聞匡贊已入朝。欲

引歸。景崇邀敗之。張虔釗至寶雞。侯益拒之。虔釗夜遁。

景崇追敗之于散關。

漢主暍殂。杜重威伏誅。周王承祐立。

漢主大漸。楊邠忌侍衛指揮使劉信。立遣之鎮。信不得奉辭。雨泣而去。漢主召蘇逢吉。楊邠。史弘肇。郭威。入受顧命。曰。承祐幼弱。後事託在卿輩。又曰。善防重威。是日殂。逢吉等秘不發喪。下詔稱重威父子。因朕小疾。謗議搖衆。皆斬之。磔尸于市。市人爭啖其肉。二月。立皇子承祐爲周王。有頃。發喪。周王卽位。

三月。漢史弘肇以母喪起復。加兼侍中。

弘肇遭喪。不數日。自出朝參。故有是命。

漢以侯益爲開封尹。

侯益入朝。漢主問何故召蜀兵。益曰。臣欲誘致而殺之耳。漢主哂之。益富于財。厚賂執政。及史弘肇等。遂以益

行開封尹。

漢徵鳳翔兵詣闕。行至長安。軍校趙思綰據城作亂。

侯益盛毀王景崇于朝。言其恣橫。景崇不自安。會詔遣

供奉官王益如鳳翔。徵趙匡贊牙兵詣闕。趙思綰等甚

懼。景崇因以言激之。至長安。節度副使安友規出迎。思

綰前白曰。壕寨使已定舍館于城東。將士欲各入城

挈家詣城東宿。友規等然之。思綰等既入城。即大譟。持

白梃入府。開庫取鎧仗。友規等皆逃去。思綰遂據城。集

城中少年得四千餘人。旬日間。戰守之具皆備。景崇諷

鳳翔吏民表已知軍府事。朝廷患之。以王守恩建立子為

永興時改晉昌軍為永興節度使。趙暉為鳳翔節度使。以景崇為

邠州留後。

漢復以孫方簡爲義武節度使。遼將朗烏滿達勒掠定州而遁。

初。遼以孫方簡爲義武節度使。及北歸。徙方簡大同。方簡怨志不受命。帥其黨三千人。保狼山故寨。遼攻之。不克。未幾遣使歸漢。漢主復其舊官。使扞遼。朗烏聞鄴都平。常懼華人爲變。與滿達勒等焚掠定州。悉驅其人棄城北去。方簡自狼山帥其衆數百。還據定州。奏以弟行友爲易州刺史。方遇爲泰州刺史。每遼人南侵。兄弟奔命。遼頗畏之。於是晉末州縣陷遼者。皆復爲漢有矣。滿達勒至其國。遼主鳴殺之。

漢李濤罷。

蘇逢吉等遷補官吏。楊邠以爲虛費國用。所奏多抑之。逢吉等不悅。李濤等上疏言。今關西紛擾。外禦爲急。且二樞密官雖貴。而家未富。宜授以要害大鎮。樞機之務。在陛下目前。易以裁決。逢吉。禹珪皆可委也。楊邠。郭威聞之。見太后泣訴。太后怒。以讓漢主。漢主因以詰責宰相。濤曰。此疏臣獨爲之。他人無預。乃罷濤政事。

漢護國節度使李守貞反。

始守貞聞杜重威死而懼。陰有異志。自以嘗有戰功。素好施。得士卒心。漢室新造。天子年少初立。執政皆後進。有輕朝廷之志。乃招納亡命。治城塹。繕甲兵。晝夜不息。

門下僧總倫以術媚守貞言其必為天子守貞信之會趙思綰據長安奉表獻御衣于守貞守貞乃自稱秦王遣其驍將王繼勳

陝州平陸人

將兵西據潼關

夏四月漢以楊邠同平章事郭威為樞密使

漢主與左右謀以太后怒李濤離間欲更進用二樞密以明非已意左右亦疾二蘇之專欲奪其權共勸之制以邠為中書侍郎同平章事樞密使如故郭威為樞密使自是政事盡決于邠

漢遣郭從義討趙思綰白文珂王峻討李守貞

五月河決魚池

即魚池口在衛輝府滑縣西南

六月戊寅朔日食

漢王景崇叛降于蜀。

景崇遷延不之邠州。閱集鳳翔丁壯。詐言討趙思綰。仍牒邠州會兵。至是降蜀。受李守貞官爵。

秋七月。蜀以王昭遠成都人知樞密院事。

昭遠幼以僧童。從其師入府。蜀高祖孟知祥廟號愛其敏慧。

令給事蜀主左右。至是委以機務。府庫金帛皆恣其取與。不復會計。

八月。漢河東節度使劉崇表募兵備遼。

初。高祖鎮河東。崇與郭威爭權有隙。及威執政。崇憂之。

判官鄭珙青州人勸崇爲自全計。崇遂表募兵四指揮。自

是選募勇士招納亡命。繕甲兵。實府庫。罷上供財賦。皆

傾府庫以餌衆而叛卒益
驕莫可控馭此五季積習
所以不可爲也但言厚賞
足奪人所恃而不知士心
附威適遂其篡國之計長
樂老猶復有善策耶

御批歷代通鑑輯覽 卷之六十九
以備遼爲名朝廷詔令多不稟承

漢以郭威爲西面招慰安撫使

漢自河中永興鳳翔三鎮拒命繼遣諸將討之久無功
漢主患之欲遣重臣臨督以郭威爲西面軍前招慰安
撫使諸軍皆受節度威問策于馮道道曰守貞自謂舊
將爲士卒所附願公勿愛官物以賜士卒則奪其所恃
矣威從之由是衆心始附于威

漢郭威督諸將圍李守貞于河中

郭威與諸將議攻討諸將欲先取長安鳳翔鎮國節度

使扈彥琦

代州雁門人

曰今三叛連衡推守貞爲主守貞亡

則兩鎮自破矣若舍近而攻遠萬一王趙拒吾前守貞

持吾後。此危道也。威善之。于是威自陝州白文珂劉嗣

自同州常思自潼關三道攻河中。

威撫養士卒與同苦樂小有功輒厚賞之

微有傷常親視之士無賢不肖有所陳啓皆溫辭色而受之選忤不怒小過不責由是將卒咸歸心焉諸

將欲急攻城威曰守貞前朝宿將健鬪好施屢立戰功

况城臨大河樓堞完固未易輕也不若且設長圍而守

之乃發民夫二萬使白文珂帥之剗長壕築連城列隊

伍而圍之偃旗仆鼓但循河設火鋪連延數十里番步

卒以守之遣水軍艤舟于岸寇有潛往來者無不擒之

于是守貞如坐網中矣。

冬十月漢趙暉圍王景崇于鳳翔蜀遣兵救之不克。

景崇遣兵出西門趙暉擊破之遂取西關城景崇退守

大城暉塹而圍之。數挑戰不出。暉潛遣千餘人。環甲執兵。效蜀旗幟。循南山而下。令諸軍聲言蜀兵至矣。景崇果遣兵數千出迎。暉設伏掩擊。盡殪之。自是景崇不敢出。蜀主遣安思謙將兵救鳳翔。思謙遣申賁將兵二千。設伏于竹林。以兵數百壓寶雞而陳。漢兵逐之。遇伏而敗。蜀兵進屯渭水。漢益兵五千戍寶雞。思謙引還。既而復告急于蜀。蜀主再遣思謙救之。思謙進屯散關。擊敗漢兵。趙暉告急于郭威。威自往赴之。至華州。聞蜀兵以食盡引去。遂還。

荆南節度使高從誨卒。以其子保融字德長知留後。

十一月。漢殺其太子太傅李崧。滅其家。

初。漢高祖入大梁。馮道及崧皆在真定。高祖以道第賜

蘇禹珪。崧第賜蘇逢吉。崧第中瘞藏之物。及洛陽別業。逢吉盡有之。及崧歸朝。自以形迹孤危。事漢權臣甚謹。而二弟嶼。義時乘酒出怨言。逢吉聞而惡之。翰林學士陶穀。字秀實。邠州新平人。本姓唐。避晉祖諱改焉。先爲崧所引用。復從而譖之。漢法旣嚴。而史弘肇尤殘忍。及三叛連兵。羣情震動。弘肇巡邏京城。得罪人。不問情法何如。皆專殺。不請。雖姦盜屏跡。而冤死者甚衆。李嶼僕夫葛延遇。被嶼杖責。遂與蘇逢吉之僕李澄謀。上變告嶼謀反。逢吉召崧送侍衛獄。嶼自誣云。與兄弟及家僮二十人謀作亂。又遣人結李守貞。召梁丹兵。及具獄上。逢吉取筆改二十字爲五十字。詔誅崧兄弟家屬。仍厚賞延遇等。時人無不

EAST ASIAN LIBRARY
UNIVERSITY OF TORONTO LIBRARY

孫氏歷代通鑑輯覽

卷之六十九

五

冤之。自是士民家皆畏憚僕隸。往往爲所脇制。延遇澄後周廣

順初始
伏誅

御批歷代通鑑輯覽卷之七十

五季

已漢乾祐二年是西歲凡四國三鎮春二月漢以靜州本靖邊軍五代時改置故城在今綏德州

米脂隸定難軍

漢詔以靜州隸定難軍李彝殷上表謝彝殷以中原多

故有輕傲之志漢人故以恩澤羈縻之李氏世隸銀夏漸以桀驁遂成

宋時繼遷之叛

遼遷故晉主重貴于建州本唐昌黎縣遼置州後遷治永霸縣故城在今錦州府錦縣

晉李太后詣遼主請依漢人城寨之側給田耕桑以自

贍遼主許之并晉主遷于建州未至安太妃卒于路遺

令焚骨南向颺之既至建州得田五十餘頃令從者耕

以給食頃之遼主德光之子舒嚕遣騎取晉主寵姬趙氏聶氏而去。

夏四月。太白晝見。

民有仰視之者。爲邏卒所獲。史弘肇腰斬之。

五月。趙思綰遣使請降于漢。漢郭從義尋誘殺之。

初。思綰少時。求爲左驍衛上將軍李肅

肅。建人。前爲晉昌節度副使。

僕。肅不納。曰。是人目亂而語誕。他日必爲叛臣。肅妻張

氏

全義之女。

曰。君今拒之。後且爲患。乃以金帛遺之。及思綰

據長安。肅居城中。思綰數就見之。拜伏如故禮。肅曰。是

子亟來。且污我。欲自殺。張氏曰。曷若勸之歸國。會長安

城中食盡。

思綰好食人肝。又好以酒吞人勝。及城中食盡。取婦女幼稚爲軍糧。每犒軍。輒屠數百人。

計窮不知所出。思綰向肅問自全之策。肅乃與判官程讓能說。思綰曰。公本與國家無嫌。但懼罪耳。今若翻然改圖。自可不失富貴。思綰從之。遣使請降于漢。漢以爲華州留後。已而思綰遷延。收斂財賄。三改行期。郭從義疑之。密白郭威。召思綰酌別。因執之。及其部曲三百人。皆斬于市。

六月。癸酉朔。日食。

秋七月。漢郭威克河中。李守貞自殺。

先是。守貞出兵攻長圍。郭威擊敗之。擒其將魏延朗。王繼勲以衆降。威乘其離散。督諸軍百道攻之。及是。克其外郭。守貞與妻子自焚。威入城。獲其子崇玉。及所署將

漢時以燒梁獄辭為善處
家人骨肉因而撓法庇人
者輒引之為口實爾時朝
臣交通將鎮固屬尋常伎
倆至詞意已涉悖逆而竟
甘心置之不問以為一切
保全奸回之徒誰復知所
懲創者此非魑魅自消乃
日中見斗耳然彼時事勢
亦無足責備矣

漢書卷一百一十五

二十一

相國師總倫等送大梁磔于市。威閱守貞文書得朝臣
欲奏之。秘書郎王溥諫曰。魑魅乘夜爭出見日自消願
一切焚之。以安反仄。威從之。王溥字齊物并州祁人

八月。漢郭威以白文珂為西京留守。

西京留守王守恩。性貪鄙。專事聚斂。喪車非輸錢不得
乞之人。不免課率。或縱麾下令盜人財。有富室娶婦守
恩與俳優數人。往為賀客。得銀數錠而返。扞厠扞除
厠溷之。賤人。郭威自河中還過洛。守恩肩輿出迎。威怒。以為

慢已。不見。即以頭子卽堂命白文珂代守恩。朝廷不之

問。守恩歸至大梁。廣為貢獻。
厚賂權貴。亦竟不獲罪。

楚馬希萼攻潭州。不克。

希萼調丁壯作戰艦。將攻潭州。馬希廣聞之。曰。朗州。吾
兄也。不可與爭。當以國讓之而已。劉彥瑫因爭以為不

可乃以王贊部署戰棹。太破其兵。追希萼。將及之。希廣

遣使召之曰。勿傷吾兄。贊引兵還。希萼遁去。希萼之舉兵也。其妻

苑氏諫曰。兄弟相攻。勝負皆為人笑。不聽。及敗。苑氏泣

曰。禍將至矣。余不忍見也。赴井而死。希萼弟希瞻為靜

江節度使。以希萼希廣交戰。屢遣使諫止。不從。知終覆族。疽發背死。

九月。漢加郭威侍中。威請加恩。將相藩鎮從之。

威至大梁入見。勞賜甚厚。辭曰。臣將兵在外。凡鎮安京

師。供億兵食。皆諸大臣居中者之力也。臣安敢獨膺此

賜。請徧賞之。乃徧賜宰相。寶貞固。蘇逢樞密。楊邠。宣徽

王峻。吳三司。王章。侍衛。史弘九人。與威如一。加威兼侍

中。史弘肇中書令。寶貞固司徒。蘇逢吉司空。蘇禹珪楊

邠僕射。諸大臣議以執政既溥。加恩。恐藩鎮觖望。亦徧

吳越當五季時安有閒田
第以日尋兵革所在多草
宅汗萊耳務廣田丁不增
賦役雖僅偏閭休息之計
然錢氏在十國中較為可
觀如俶尤足強人意固不
得以連類而並識之矣

加恩有差。議者以郭威不專有其功。推以分人。信為美矣。而國家爵位。以一人而覃及天下。不亦濫乎。

冬十月。吳越募民墾田。

吳越王俶募民能墾荒田者。勿收其稅。由是境內無棄田。或請糾民遺丁以增賦。俶杖之國門。國人皆悅。

十二月。漢趙暉攻鳳翔。王景崇自殺。

趙暉急攻鳳翔。周璨謂王景崇曰。蒲雍已平。蜀兒不足恃。不如降也。景崇曰。善。吾更思之。後數日。外攻轉急。景

崇自焚死。諸將乃降。

三叛既平。漢主段驕縱。時與飛龍使後匡贊。茶酒使郭允明。狎暉為

慶辭醜語。太后屢戒之。太常卿張昭上言。宜親近儒臣。講習經訓。皆不聽。後。姓。匡贊。瑕邱人。郭允明。太原人。慶辭。隱語也。張昭。即昭遠。避漢祖諱。改焉。

長民者果能公廉慈愛原
不在日議除徭減賦始稱
仁政乃馮道無識既云審
交之政無以踰人又曰衆
人不爲而劉君獨爲之其
言矛盾固不足論正恐巧
宦簡名者不能核之以實
政則乞葬立祠徒爲後世
保留去思之鼻祖耳

庚漢乾祐三年是歲
戊四國三鎮漢亡春正月漢遣使收瘞河中鳳翔遺骸

時有僧已聚二十萬矣

漢汝州防禦使劉審交卒

汝州吏民詣闕上書以審交有仁政乞留葬汝州得奉

事其邱壟許之州人爲立祠歲時享之馮道曰吾嘗爲

爲政無以踰人非能減其租賦除其徭役也但推公廉

慈愛之心以行之耳此亦衆人所能爲但衆人不爲而

劉君獨爲之故汝人愛之如此使天下二

千石皆效其所爲何患得民不如劉君哉

夏四月漢以郭威爲鄴都留守樞密使如故漢人以遼將南侵議以郭威鎮鄴都使督諸將備之史

弘肇欲威仍領樞密使蘇逢吉以爲故事無之弘肇曰

領樞密使則可以便宜從事諸軍畏服號令行矣漢主

宰相令僕會飲沈湎已乖政體而使氣謹歎武臣矜鎗劍微長文士詡毛錐薄技甚至醜語詬詈鋒刃幾加儀檢蕩然矣隱帝不能詰治復令釋和於杯酒之間紀綱陵替若此安得不亡

從之。仍詔河北甲兵錢糧。但見郭威文書。立皆稟應。弘肇怨逢吉異議。逢吉曰。以內制外。順也。今反以外制內。其可乎。自是將相始有隙。既而朝貴會飲。弘肇舉大觴屬威。厲聲曰。昨日廷議。一事異同。今日為第飲之。逢吉與楊邠亦舉觴曰。是國家之事。何足介意。弘肇又厲聲曰。安定國家。在長鎗大劍。安用毛錐。王章曰。無毛錐。財賦何從可出。毛錐蓋言筆也。他日王章復置酒。酒酣為手勢令。弘肇不能為。客省使閻晉卿在坐。次屢教之。逢吉戲曰。坐有姓閻人。何憂爵。弘肇妻閻氏。故酒家倡也。意逢吉譏之。大怒。以醜語詬逢吉。欲毆之。逢吉起去。弘肇索劍欲追之。楊邠哭止之。曰。蘇公宰相。若殺之。置天子何地。願熟思之。于是將相如水火。漢主使宣徽使王峻置酒和解之。不能得。

漢以郭榮為貴州刺史。

貴州。隋置。今廣西潯州府貴縣是。五代時地屬南漢。郭榮以天雄牙

將遙領刺史。

榮本姓柴。父守禮。

邠州人。

郭威之妻兄也。威未有子時。

養以為子。宗始見此

五月漢以折德辰

從阮之子

為府州團練使

時從阮舉族入朝故有是命

郭威赴鄴

威辭行言于漢主曰太后從先帝久多歷天下事陛下

富于春秋有事宜稟其教而行之親近忠直放遠讒邪

善惡之間所宜明審蘇逢吉楊邠史弘肇皆先帝舊臣

願陛下推心任之至于疆場之事臣願竭愚漢主斂容

謝之威至鄴都以河北困弊戒邊將謹守疆場嚴飭守備如遼人侵掠則堅壁清野以待之

閏月漢大風

漢宮中數有怪大風發屋拔木吹鄭門

大梁城西面南來第一門也

屏起十餘步而落。漢主召司天監趙延久，問以禳祈之術。對曰：「臣之職在天文時日，禳祈非所習也。然王者欲弭災異，莫如修德。」漢主曰：「何謂修德？」對曰：「請讀貞觀政要而法之。」

六月，河決鄭州。

秋八月，故晉太后李氏卒于遼。

后病無醫藥，惟與晉主仰天號泣。戕手罵杜重威、李守

貞曰：「吾死不置汝。」遂卒。

後周顯德中有自遼來者云：晉主及馮后尚無恙，其從者亡歸。

及物故，則過半矣。

九月，馬希萼遣使乞師于唐。唐遣兵助之。

希萼先奉表于漢，請別置進奏務于京師。漢主不許，亦

賜楚王希廣詔勸以敦睦。希萼以漢廷意作希廣怒。遣使稱藩于唐。乞師攻楚。唐命楚州刺史何敬洙將兵往助希萼。先是希萼誘溪洞諸蠻共攻益陽。楚將陳瑋等敗死。潭人震恐。既而劉彥瑁言于希廣。以兵萬人入則州境父老爭以牛酒犒軍。艦過則運竹木以斷其後。希萼遣兵逆戰。彥瑁乘風縱火。以焚其艦。頃之風回自焚。還走。則江路已斷。戰溺死者數千人。希廣聞之。涕泣不知所為。遣其屬孟駢說希萼曰。公忘父兄之讐。北面事唐。何異袁譚求救于曹公邪。希萼將斬之。駢曰。駢若愛死。安肯此來。駢之言。非私于潭人。實為公謀也。乃釋之。使還報。曰。大義絕矣。非地下不相見也。悉發境內之兵。趣長沙。

冬十一月甲子朔日食。

漢主承祜殺其樞密使楊邠。侍衛指揮使史弘肇三司使王章遣使殺郭威。不克。威舉兵反。遂弑其主承祜。

漢主白卽位以來。楊邠總機政。郭威主征伐。史弘肇典

向之矜毛錐者非王章乎
此又謂之不喜文臣甚矣
記載家之鮮實也

宿衛王章掌財賦。邠頗公忠。門無私謁。雖不卻四方饋遺。然有餘輒獻之。弘肇督察京城。道不拾遺。章拊撫遺利。供饋不乏。國家粗安。然章吝于出納。聚斂刻急。舊制

每斛更輸二升。謂之雀鼠耗。章始令更輸二斗。謂之省耗。舊錢出入。皆以八十為陌。章始令入者八十。出者七十七。謂之省陌。犯鹽礬酒。由是百姓愁怨。章尤不喜文。麴之禁者。錙銖涓滴皆死。

臣嘗曰。此輩授之握算。不知縱橫。何益于用。俸祿皆以不堪資軍者。高其估而給之。漢主左右嬖倖浸用事。太后親戚亦干朝政。邠等屢裁抑之。太后弟武德使李業

求宣徽使不得。內客省使閻晉卿次當為宣徽使。亦久

不補。聶文進

并州人

後匡贊。郭允明皆有寵。而久不遷官。

劉銖

陝州人

罷歸。

銖前為平盧節度使。以貪虐徵還。

久未除官。共怨執政。

隱帝信左右讒譖一日而誅數大臣遂成趙村之禍其失固不待言然楊邠史弘肇專擅自恣目無君上王章聚斂刻急民怨日滋每有取禍之道乃尹起莘輩亮子綱目書法專歸過于隱帝并郭威之弑逆亦折衷而曲貸之直昧於大義矣

漢主除喪聽樂賜伶人錦袍玉帶弘肇怒曰士卒守邊苦戰猶未有以賜之汝曹何功而得此皆奪之漢主年益壯厭爲大臣所制邠弘肇嘗議事于前曰陛下但禁聲有臣等在漢主積不能平左右因譖之曰邠等專恣終當爲亂蘇逢吉與弘肇有隙屢以言激業等漢主遂與業文進匡贊允明謀誅邠等入白太后太后曰茲事何可輕發更宜與宰相議之業曰先帝嘗言朝廷大事不可謀及書生懦怯誤人太后不可漢主忿曰國家之事非閨門所知拂衣而出業等以告閭晉卿晉卿恐事不成詣弘肇第欲告之弘肇辭不見與邠章入朝殿中甲士出而殺之文進亟召宰相朝臣諸軍將校漢主親

UNIVERSITY OF TORONTO LIBRARY
130 St. George Street
Toronto, Ontario M5S 1A5

後漢書卷之二十一

諭之。分遣使收捕邠等親黨僕從。盡殺之。遣供奉官孟

業齎密詔。令鎮寧李洪義李太殺弘肇黨步軍指揮使

王殷。

大名。人。時將兵屯澶州。

又令行營指揮使郭崇威曹威。真定人。

殺郭威及監軍王峻。又急詔徵高行周。苻彥卿。郭從義。

慕容彥超。李穀。入朝。以蘇逢吉權知樞密院事。劉錡權

知開封府。李洪建

洪義兄。

權判侍衛司事。

逢吉雖惡弘肇而不預李業等

謀。聞變驚愕。私謂人曰。事太息。息。主上儻以一言見問。不至于此。業等命劉錡誅郭威。王峻之家。錡極其慘毒。

嬰孺無免者。命李洪建誅王殷之家。洪建但使人守視。仍飲食之。孟業至澶州。洪義不

敢發。殷囚業。以詔示郭威。威召郭崇威。曹威及諸將。告

以邠等冤死。及有密詔之狀。且曰。吾與諸公披荆棘。從

先帝取天下。受託孤之任。竭力以衛國家。今諸公已死。

吾何心獨生。君輩當奉行詔書。取吾首以報天子。庶不
相累。崇威等皆泣曰。天子幼冲。此必左右羣小所為。若
使此輩得志。國家其得安乎。願從公入朝。自訴。蕩滌鼠
輩。以清朝廷。翰林天文趙修已。浚儀人。善術數。初為李
守貞客。守貞欲反。修已
為言時令不可勿妄動。不聽。及守貞敗。徵為翰林天文。時從郭威在鄴。曰。公徒死何益。不
若順眾心。擁兵而南。此天啟也。威乃留其養子榮鎮鄴
都。命崇威前驅。自將大軍繼之。慕容彥超方食。得詔。舍
匕筯入朝。漢主悉以軍事委之。郭威至澶州。李洪義納
之。王殷亦以兵從。遂趣滑州。漢主聞郭威至河上。悔懼。
私謂竇貞固曰。屬者亦太草草。李業等請傾府庫以賜
諸軍。乃賜禁軍人二十緡。下軍半之。將士在北者。給其

家。乃使通家信以誘之。威至封邱。人情恟懼。太后泣曰。不用李濤言。宜其亡也。漢主欲自出勞軍。太后止之。不從。時扈從軍甚盛。至暮。不戰而還。來日欲再出。太后又止之。不可。既陳。慕容彥超引輕騎直前奮擊。馬倒。引兵退。麾下死者百餘人。于是諸軍奪氣。稍稍降于北軍。彥超遂與十餘騎奔還兗州。漢主獨與三相及從官數十人宿于七里寨。在開封府城北。餘皆逃潰。旦日。將還宮。至元化門。劉銖在門上射漢主左右。漢主回轡西北至趙村。追兵已至。漢主下馬入民家。爲亂兵所弑。蘇逢吉。閭晉卿。郭允明。皆自殺。威至。劉銖射之。威自迎春門入。歸私第。諸軍大掠通夕。獲劉銖。李洪建。囚之。令諸將分部禁止。

掠者至。哺乃定。遷隱帝梓宮于西宮。或請如魏高貴鄉公故事。葬以公禮。威不許。曰。倉猝之際。吾不能保衛。乘輿罪已大矣。况敢貶君乎。馮道帥百官謁見郭威。威猶拜之。道受拜如平時。徐曰。侍中此行不易。

漢迎武寧節度使劉贊于徐州。

郭威帥百官起居太后。奏請早立嗣君。太后誥曰。河東節度使崇。忠武節度使信。皆高祖之弟。武寧節度使贊。開封尹承勳。高祖之子。其令百官議擇所宜。贊崇之子也。高祖愛之。養視如子。郭威王峻入見太后。請以承勳爲嗣。太后曰。承勳久羸疾。不能起。令左右以臥榻舉之。示諸將。諸將乃信之。于是郭威與峻議立贊帥。百官表

THE UNIVERSITY OF TORONTO LIBRARY
130 St George Street
Toronto, Ontario M5S 1A5

後漢書

卷之十一

九

請太后詔遣太師馮道及樞密直學士王度秘書監趙
上交詣徐州奉迎。威之討三叛也。見詔書處分軍事。皆合機宜。問誰為之。使者以范質對。威曰。宰相器也。至是。令草詔。令具儀注。蒼黃之中。討論撰定。皆得其宜。尋以為樞密副使。

漢太后臨朝。

郭威帥羣臣請之也。

威殺劉銖。李洪建及其黨皆梟首于市。而赦其家。威謂公卿曰。劉銖

屠吾家。吾復屠其家。怨讐反覆。庸有極乎。由是數家獲免。王殷屢為洪建請。威不許。

遼人破內邱。

本漢中邱。隋改名。今縣屬順德府。

克饒陽。漢遣郭威將兵擊

之

馬希萼陷潭州。殺楚王希廣而自立。

希廣繼馬氏之業。則為楚君名分已定。而希萼叛之。非唯傷同氣之情。并忘君臣之誼矣。例以大義滅親。無可寬假。乃希廣遣將之。

先是希萼攻岳州。刺史王贊陞守不下。希萼呼贊曰。君昔約君同行。今何異心乎。贊曰。君王兄弟不相容。而責

始則戒勿傷其兄及其將
敗惟信巫效僧束手待斃
而不知悔寧其為鈍夫
而已

將吏異心乎。願君王入長沙。不傷同氣。臣其敢不盡節。

希萼慚引去。遂下湘鄉。

後漢縣。今屬長沙府。

至長沙。屯水西。楚將

劉彥瑁許可瓊屯水東。指揮使彭師暲

士穆之子。

登城望之

言于希廣曰。朗人驟勝而驕。雜以蠻兵。易破也。請令可

瓊等陳山前。臣以步卒三千。自巴溪

卽麻溪。在長沙縣北。

渡江。

也。注見前。

出嶽麓。

山名。在長沙府善化縣西。衡山足也。

後夜擊之。希廣以爲可。

而可瓊已送欵于希萼。遂沮其議。

希廣信巫覡。及僧語。塑鬼于江上。舉手以

卻朗兵。又作大像于高樓。手指水西。怒目視之。命衆僧日夜誦經。白衣僧服。膜拜求福。

朗兵水陸

急攻。指揮使吳宏小門使楊滌相謂曰。以死報國。此其

時矣。各引兵出戰。自辰至午。朗兵小卻。劉彥瑁按兵不

救。彭師暲戰于城東北隅。可瓊舉全軍降希萼。長沙遂

希崇傳

陷希崇帥將吏詣希萼勸進

吳宏見希萼曰不幸為許可瓊所誤今日死不愧先

王矣彭師曷投槩于地大呼請死希萼嘆曰鐵石人也皆不殺希萼入府捕希廣獲之

自稱楚王以希崇為節度副使謂將吏曰希廣鈍夫也

為左右所制耳吾欲生之可乎朱進忠曰大王三年血

戰始得長沙一國不容二主他日必悔之乃賜希廣死

希廣臨刑猶誦佛書彭師曷葬之于瀏陽門外希萼召拓跋恒欲用之恒稱疾不起瀏陽門長沙東門以通

瀏陽水名瀏陽水出長沙府瀏陽縣西北流入湘

漢劉贇發徐州

贇留右都押牙鞏廷美教練使楊溫守徐州與馮道等

西來在道仗衛皆如王者左右呼萬歲郭威至滑州留

數日贇遣使慰勞諸將受命之際相顧不拜私相謂曰

我輩屠陷京城。其罪大矣。若劉氏復立。我輩尚有種乎。
漢郭威至澶州。自立而還。王峻主殷遣兵拒劉贊。以太后
誥廢爲湘陰公。令郭威監國。

威至澶州。將發。將士數千人。忽大譟曰。天子須侍中自
爲之。將士已與劉氏爲仇。不可立也。或裂黃旗以被威
體。共扶抱之。呼萬歲。震地。因擁威南行。威乃上太后牋。
請奉漢宗廟。事太后爲母。下書撫諭大梁士民。勿有憂
疑。至七里店。竇貞固帥百官出迎。拜謁。勸進。贊至宋州。
王峻主殷遣兵拒之。又遣馬鐸將兵詣許州巡檢。崇威忽至宋州。贊大驚。闔門
登樓詰之。對曰。澶州軍變。郭公遣崇威來宿衛。贊召崇

威登樓執手而泣。時護聖指揮使張令超帥部兵爲贊宿衛。徐州判官董裔說贊急召令超。夜劫崇威奪其兵。北走晉陽。贊猶豫未決。是夕崇威密誘令超帥衆歸之。贊大懼。郭威召馮道先歸。贊謂之曰。寡人此來。所恃者以公三十年舊相。故無疑耳。今事危矣。公何以爲計。道默然。客將賈貞數日道欲殺之。贊曰。汝輩勿草草。無預馮公事。崇威遷贊于外館。殺董裔賈貞等數人。太后誥廢贊爲湘陰公。馬鐸引兵入許州。劉信自殺。太后誥以侍中監國。百官藩鎮相繼上表勸進。後漢自高祖至隱帝凡二主合四年。南漢以宮人爲女侍中。

南漢主以宮人盧瓊仙黃瓊芝爲女侍中。朝服冠帶。參

決政事。宗室勲舊誅戮殆盡。惟宦官林延遇閩清人等用

事。

延遇陰險多計數。後立薦龔澄樞自代。南漢主即日用之。龔澄樞南海人。

辛周太祖郭威廣順元年。北漢主劉崇乾祐四年。是亥歲。周代漢。北漢建國凡五國。三鎮。十月。湖南亡。春正

月。郭威稱皇帝。國號周。

是為後周太祖。

漢太后下詔。授監國符寶。即皇帝位。制曰。朕周室之裔。

號叔之後。

春秋有郭公。公羊傳曰。號謂之郭。音之轉也。

國號宜曰周。改元大

赦。凡倉場庫務。掌納官吏無得收斗餘稱耗。舊所進羨

餘物。悉罷之。犯竊盜及姦者。並依晉天福元年以前刑

名。罪人非反逆。無得誅及親族。籍沒家貲。唐莊宗。明宗

晉高祖。各置守陵十戶。漢高祖陵。職員宮人。薦享守戶

並如故。

有北歷仁通金車置

漢太后遷居西宮。

號昭聖太后。

漢河東節度使劉崇表請湘陰公歸晉陽。

初崇聞隱帝遇害欲起兵南向聞迎立湘陰公乃止曰。

吾兄為帝吾又何求太原少尹李驤正定人陰說崇曰觀

郭公之心終欲自取公不如疾引兵逾太行據孟津俟

徐州相公即位然後還鎮則郭公不敢動矣不然且為

所賣崇怒曰腐儒欲離間吾父子命左右曳出斬之驤

呼曰吾負經濟之才而為愚人謀事死固甘心家有老

妻願與之同死崇并其妻殺之及贊廢崇乃遣使請贊

歸晉陽周主報曰湘陰公比在宋州今方取歸必令得

贊雖迎立而大位未踐成
吾尚未可知李驤據孟
津實為河東自全上策且
於湘陰繼統亦無所損劉
崇乃以其子將為帝遽有
侈心視忠言如朽蠹輕加
戮害卒之宋州雖作北漢
繼業未終歆器滿覆之戒
不其然乎

所公勿以爲憂。

漢湘陰公故將鞏廷美等舉兵徐州。

廷美楊溫聞湘陰公贊失位。奉贊妃董氏據徐州拒守。以俟河東援兵。周主使贊以書諭之。

遼使至大梁。

遼人之攻內邱也。死傷頗多。又值月食。軍中多妖異。遼主懼。引兵還。遣使請和于漢。會漢亡。劉訶送其使者詣大梁。周主遣將軍朱憲報聘。且敘革命之由。

周以王殷爲鄴都留守。

周主以鄴都鎮撫河北。控制遼境。欲以腹心處之。以殷爲留守。領軍如故。仍以侍衛司從赴鎮。

周主爲故漢主承祐舉哀成服。

周主威弒漢湘陰公贇于宋州。漢劉崇稱帝于晉陽。是爲北漢。

劉崇卽位于晉陽。仍用乾祐年號。所有者并汾忻代嵐。

憲。隆蔚沁遼麟石十二州之地。隆州晉漢間置。地在今嵐州。餘注俱見前。

以判官鄭珙趙華滎陽人同平章事。次子承鈞爲侍衛親

軍都指揮使。副使李存瓌爲代州防禦使。謂諸將曰。朕

以高祖之業。一朝墜地。今日位號。不得已稱之。顧我是

何天子。汝曹是何節度使邪。由是不建宗廟。祭祀如家

人。宰相俸錢。月止百緡。節度使止三十緡。自餘薄有資

給而已。聞湘陰公死。哭曰。吾不用忠臣之言。以至于此。

爲李驤立祠。歲時祭之。

周罷四方貢獻珍食。詔百官上封事。

周主謂王峻曰。朕起于微寒。備嘗艱苦。遭時喪亂。一旦為帝王。豈敢厚自奉養。以病下民乎。命峻䟽四方貢獻珍美食物。詔悉罷之。又詔曰。朕生長軍旅。不親學問。未知治天下之道。文武官有益國利民之術。各具封事以聞。周主悉出漢宮中寶玉器。碎之于庭。曰。凡為帝王。安用此為。仍戒左右。自今珍華悅目之物。毋得入宮。北漢主遣其子承鈞將兵伐周。不克。

二月。周主以其養子榮為鎮寧節度使。

選朝士為之僚佐。以王敏崔頌協之子為判官。王朴字文伯。東

平人為掌書記。

遼遣使如周。周報之。

北漢遣使如遼乞師。

初遼主聞北漢主立。使招討使潘伊納克遺劉承鈞書。

北漢主使承鈞復書言本朝淪亡。欲循晉室故事求援。

北朝遼主大喜。至是北漢主遣使如遼乞兵。已而遼主

遣使如北漢。北漢主使鄭珙以厚賂謝之。致書稱姪。請

行冊禮。按伊納克舊作韋然。今改正。

周克徐州。鞏廷美死之。

夏四月。蜀以伊審徵字申圖。太原人。知樞密院事。

審徵。蜀高祖孟知祥廟號。之甥也。少與蜀主相親狎。及知樞

密。以經濟為己任。而貪侈同邪。與王昭遠相表裏。蜀政

由是浸衰。

周以王峻范質李穀同平章事。

初周主討河中。已為人望所屬。李穀時為轉運使。周主數以微言諷之。穀但以人臣盡忠為對。周主以是賢之。卽位。首用為相。時國家新造。四方多故。王峻夙夜盡心。知無不為。軍旅之謀。多所裨益。范質明敏彊記。謹守法度。李穀沉毅有器畧。論議忼慨。善譬喻以開主意。

楚朗州將王逵。

朗州武陵人。

周行逢。

亦武陵人。

等逐其節度使。推劉

言。廬陵人。為留後。

先是楚朗州指揮使王逵。副使周行逢作亂。入于朗州。

楚王希萼既得志。殺戮無度。縱酒荒淫。使逵行逢帥所部兵治府舍。執役甚勞。又無犒賜。士卒愁怨。逵行逢帥衆逃歸。希萼遣兵追之。逵推楚王希萼兄子光惠為留。行逢擊殺殆盡。遂入朗州。

後及是達行逢以光惠愚懦嗜酒辰州

隋置今爲府屬湖南

刺史

劉言驍勇得蠻夷心欲迎以爲副使言知達等難制曰

不往將攻我乃單騎赴之既至衆廢光惠推言權武平
留後求節于唐亦稱藩于周

遼遣使如北漢册命其主崇更名旻

遼燕王舒幹

遼史作察罕

按舒幹舊作述軌察罕舊作察割今並改

弒其主鄂約而

自立舒嚕討殺舒幹而代之

北漢遣兵伐周遼主欲引兵會之與諸部議諸部不欲

南疆之行至新州燕王舒幹作亂弒遼主而自立齊王

舒嚕逃入南山諸部奉之以攻舒幹殺之立舒嚕爲帝

北漢主復以叔父事之請兵以擊晉州舒嚕年少好遊

戲每夜酣飲達旦乃寐日中方起國人謂之睡王後更

名明

五代史遼史俱作環

楚將徐威等作亂廢其君希萼立希崇為武安留後楚人復立希萼居衡山

楚王希萼悉以軍政委其弟希崇希崇與指揮使徐威陸孟俊等謀作亂會希萼宴將吏威等先驅馬十餘入府自帥其徒執斧斤白梃聲言繫馬奄至座上縛希萼而囚之立希崇為武安留後希崇遣彭師曷廖偃幽希萼于衡山縣師曷偃奉希萼為衡山王初希萼入長沙師曷雖免死猶杖背黜為民希崇以為師曷必怨之使送希萼于衡山師曷曰欲使我為弑君之人乎奉事逾謹與衡山指揮使廖偃謀共立希萼為衡山王以縣為行府召募徒眾各州縣多應之

希萼弑希廣而自立實為楚之亂臣師曷素事希廣嘗以故君為重則希萼乃其仇也方其大呼請死時勁氣凜然頗似明於不二

之義者既不能殺賊雪憤
且奉為主而謹事之何其
厚剪而溥于廣也

冬十月唐遣邊鎬將兵擊楚馬希崇降

楚自馬殷據湖南至希崇降唐凡六

主合五十六年。

徐威等見希崇所為知必無成又畏朗州衡山之逼欲

殺希崇希崇大懼密奉表請兵于唐唐主命邊鎬將兵

萬人趣長沙希崇率弟姪迎拜鎬下馬稱詔勞之時湖

南饑饉鎬大發馬氏倉廩賑之楚人大悅

是月唐將劉仁贍取岳州。

撫納降附人忘其亡既而南漢取桂州盡有嶺南地劉仁贍字守惠彭城人。

遼遣蕭裕矩舊作禹厥今改正。將兵五萬會北漢兵伐周北漢

主自將兵二萬攻晉州

三面置寨晝夜攻之巡檢使王

萬敢與都指揮使史彥超

雲州人。

何徽等共拒之

唐以邊鎬爲武安節度使。遷馬氏之族于金陵。

馬希萼望唐人立已爲潭帥。而潭人惡希萼。共請邊鎬爲帥。鎬趣希崇希萼入朝。希崇與宗族及將佐千餘人號慟登舟。送者皆哭。響振川谷。希萼亦與將佐士卒萬餘人東下。尋至金陵。唐主以希萼鎮洪州。希崇鎮舒州。唐百官賀湖南平。起居郎高遠曰。我乘楚亂。取之甚易。觀諸將之才。恐守之甚難耳。司徒致仕李建勳曰。禍其始于此乎。高遠字悠遠。幽州人。

十一月。周遣王峻救晉州。

詔諸軍皆受峻節度。聽以便宜從事。

十二月。周主自將救晉州。不果行。

王峻留陝州旬日。周主以北漢攻晉州急。議自將。由澤

州路與峻會兵救之。十二月朔，詔以三日西征。峻因使者言于周主曰：「晉州城堅，未易可拔。劉崇兵鋒方銳，不可力爭。所以駐兵待其衰耳。」陛下新卽位，不宜輕動。若車駕出汜水，則慕容彥超引兵入汴，大事去矣。」周主聞之，以手提耳曰：「幾敗吾事。」乃勅罷親征。

周王峻至晉州，遼北漢兵夜遁。

北漢主攻晉州，久不克。軍乏食，遼人思歸。聞王峻至，燒

營夜遁。

峻入晉州，諸將請亟追遼漢兵。峻猶豫未決。明日，乃遣指揮使藥元福、康延治將騎兵追之。北

漢兵墜崖谷死者甚衆。遼人比至晉陽，士馬什喪三四。北漢主始息意于進取，北漢土瘠民貧，內供軍國，外奉

遼人，賦繁役重，民不聊生。逃入周境者甚衆。

王

周廣順二年，是歲凡五

春正月，周泰寧軍節度使慕容

子國三鎮。劉言據湖南。

彥超戶周發兵討之。

初周主既立彥超遣使入貢于周周主賜詔慰安之及

徐州平彥超疑懼口甚

潛以書結北漢又求援于唐

周主遣使與誓

彥超愈不自安反迹漸露至是彥超發鄉兵入城為戰

守之備又多募羣盜剽掠鄰境周主以曹英

即曹威避周主名改

為都部署向訓

向氏宋向戌之後訓河內人後更名拱字星民

為都監藥元

福為都虞候討彥超

唐主發兵軍下邳以援彥超周師逆擊大破之彥超勢沮英等

至兗州設長圍彥超屢出戰藥元福皆擊敗之長圍合

遂進攻之

彥超之將反也判官崔周度諫曰魯詩書之國自伯禽以來不能霸諸侯然以禮義守之

可以長世公于國家非有私憾况主上開諭勤至苟撤

備歸誠則坐享泰山之安矣彥超怒及是括士民之財

以贍軍坐匿財死者甚衆周度遂為彥超所殺

二月唐設科舉。既而罷之。

唐主好文學。故韓熙載薦延巳。延巳曾江文蔚潘佑。

幽州人。

徐鉉之徒。皆至美官。文雅于諸國爲盛。然未嘗設科舉。多因上書言事拜官。至是始命文蔚知貢舉。執政皆不由科第。相與沮毀。竟罷之。

三月唐以馮延巳孫晟同平章事。

唐以延巳晟爲相。旣宣制。戶部尚書常夢錫衆中大言。

曰。白麻甚佳。但不及江文蔚疏耳。

文蔚疏劾延巳事具前。

晟素輕

延巳。謂人曰。金盃玉盃。乃貯狗矢乎。

夏四月丙戌朔日食。

周主自將討兗州。克之。慕容彥超自殺。

周主以曹英久無功。下詔親征。至兗州。使人招諭彥超。不從。乃命進攻。彥超貪吝。人無鬪志。將卒多出降。官軍克城。彥超赴井死。官軍大掠。城中死者近萬人。周主欲悉誅其將吏。翰林學士竇儀。字可象。漁陽人。見馮道。范質。與共白曰。彼皆脅從耳。乃赦之。

六月朔。周主如曲阜。謁孔子祠。

在曲阜縣城中。卽闕里故宅。

拜其墓。

注見前。

周主謁孔子祠。將拜。左右曰。孔子。陪臣也。不當以天子拜之。周主曰。孔子。百世帝王之師。敢不敬乎。遂拜。又拜孔子墓。命禁樵採。訪孔子顏淵之後。以爲曲阜令。及主簿。

蜀大水。壞其太廟。

遼州節度使蕭海真。

遼史作國舅蕭默赫特。世宗后之弟也。按默赫特。舊作眉古得。今

改正。請降于周。不果。

李濤之弟澣在遼。爲勤政殿學士。與海真善。說海真內附。海真欣然許之。澣因諜以聞。且與濤書。言契丹主童駭無遠志。朝廷若能用兵。必克。不然。與和必得。二者皆利于速。度其情勢。他日終不能力助河東者也。會中國多事。不果從。

秋九月。遼攻周冀州。周兵拒卻之。

冬十月。武平留後劉言遣兵攻潭州。唐節度使邊鎬棄城走。言遂取湖南。

唐武安節度使邊鎬昏懦無斷。不合衆心。唐主使鎬經畧朗州。召劉言入朝。言不行。謂王逵曰。唐必伐我。奈何。逵曰。邊鎬撫御無力。士民不附。可一戰擒也。言乃以逵及周行逢。何敬真。武陵人。潘叔嗣。張文表。俱朗州人。等十人。皆爲指揮使。部分發兵。行逢能謀。文表善戰。叔嗣果敢。三人多相須成功。情款甚昵。十月。逵等將兵分道趣長沙。邊鎬遣屯兵益陽。逵等克之。遂至潭州。鎬棄城走。吏民俱潰。逵入城。自稱武平節度副使。權知軍府事。以何敬真爲行軍司馬。唐將守湖南諸州者相繼遁去。劉言盡復馬氏嶺北故地。惟郴連入于南漢。

遼大水

瀛莫幽州大水。流民入塞者四十萬口。周詔所在賑給。存處之。中國民被掠得歸者十五六。

周平章事李穀辭位。不許。

穀以病臂辭位。周主遣中使諭旨曰。卿所掌至重。朕難其人。苟事功克集。何必朝禮。穀不得已。復視事。穀未能執筆。詔以三司務繁。命刻名印用之。

周立訴訟法。

敕民有訴訟。必先歷縣州。及觀察使。處決不直。乃聽詣臺省。或自不能書牒。倩人書者。必書所倩姓名居處。若無可倩。聽執素紙。所訴必須已事。毋得挾私客訴。謂代人申訴。

周慶州

注見前。

野雞族

黨項別種。居慶州北。

反。遣折從阮討之。

慶州刺史郭彥欽性貪野雞族多羊馬。彥欽故擾之以

求賂。野雞族遂反。徙折從阮為靜難節度使討之。

已而

族降。殺牛族復反。周主以郭彥欽擾羣胡。致其作亂。黜

廢于家。選良吏為刺史以撫之。會解州刺史郭元昭代

歸。元昭故與樞密魏仁浦有隙。甚懼。仁浦知之。即白

周主。以元昭為慶州刺史。殺牛族。亦黨項別種。

唐馮延巳。孫晟罷。削邊鎬官爵。流饒州。

初。鎬從查文徽克建州。凡所俘獲皆全之。建人謂之邊

佛子。及克潭州。市不易肆。潭人謂之邊菩薩。既而政無

綱紀。惟日設齋供。盛修佛寺。潭人失望。謂之邊和尚。至

是鎬削官坐譴。馮延巳。孫晟。上表請罪。皆釋之。晟陳情

不已。乃與延巳皆罷。唐主以比年出師無功。乃議休兵。息民。或曰。願陛下數十年不用兵。

不知要領其始撫綏安輯民未嘗不受其益繼而因循不振流為廢弛愛人而不得其道非惟害人而并以自害逮乎建潭與譚每況愈下誠可鄙耳

可小康矣。唐主曰：將終身不用。何數十年之有？先是，吉水人歐陽廣上書言：邊鎬非將帥才，必喪湖南。唐主不聽。及是，思廣言，拜本縣令。

十二月，河決鄭滑，周遣使修塞。

周靜難節度使侯章

并州榆次人。入朝。

章獻買宴絹千匹，銀五百兩。周主不受，曰：諸侯入覲，天子宜有宴犒，豈待買邪？自今如此比者，皆不受。

癸丑周廣順三年，是歲凡五國三鎮。王逵據湖南，春正月，周以劉言爲武平節度使。

劉言上表于周，乞移使府治朗州，且請貢獻賣茶，悉如馬氏故事，許之。以言爲武平節度，制置武安、靜江等軍事。王逵爲武安節度使，何敬真爲靜江節度使，周行逢

寓兵于農。告制既不可復。
自充國建議屯田。猶得寓
農于兵之意。然其大要。惟
在實邊儲省輸輓。經理得
宜。庶乎有事可戰。無事可
戍。均不失爲良法。若五季
中原宿兵。徒成弊政。募高
貲。而括遺賦。名是實非。則
誠不如其已矣。

爲武安行軍司馬。敬真尋爲達所殺。

周罷戶部營田。務除租牛課。

前世屯田。皆在邊地。使戍兵佃之。唐末。中原宿兵所在。
皆置營田。以耕曠土。其後又募高貲戶。使輸課佃之。戶
部別置官司總領。不隸州縣。或丁多無役。或容庇姦盜。
州縣不能詰。梁太祖擊淮南。得牛萬計。以給農民。使歲
輸租。牛死而租不除。民甚苦之。周主素知其弊。李穀亦
以爲言。敕悉罷之。以其民隸州縣。田廬牛具。並賜見佃
者爲永業。是歲。戶部增三萬餘戶。民旣得爲永業。始敢
葺屋植木。獲利數倍。或言營田有肥饒者。不若鬻之。
可得錢數十萬緡。以資國用。周主曰。利在于民。猶在國。

也。朕用此錢何爲。

唐草澤邵棠上言。近遊淮上。聞周主恭儉。增修德政。吾兵新破于潭朗。恐

其有南征之志。宜爲之備。

遼攻周定州。周擊走之。

周鎮寧節度使郭榮入朝。

先是榮屢求入朝。王峻忌其英烈。每沮止之。會峻行視

決河。

周主以決河爲憂。峻請自行視。

榮復請。周主許之。至是乃入朝。

故

守貞騎士馬全義從榮入朝。召見補殿前指揮使。謂左右曰。全義忠于所事。昔在河中。屢挫吾軍。汝輩宜效之。

馬全義

幽州薊人。

周以王峻兼平盧節度使。

峻聞榮入朝。遽自河上還大梁。固求領鎮。故有是命。

二月周更作二寶。

初遼主德光以晉傳國寶北還。至是更以玉作二寶。五代會要時製寶兩座用白玉方六寸螭虎紐其一以皇帝承天受命之寶為文其一以皇帝神寶為文命中書令馮道書寶。

周貶王峻為商州司馬。

峻晚節益狂躁奏請以顏衍

字祖德曲阜人充國公四十五世孫陳觀為

相。周主曰進退宰輔不可倉猝。俟更思之。峻語浸不遜。

峻退周主幽之別所。召見馮道等泣曰王峻陵朕太甚。

欲盡逐大臣剪朕羽翼。朕惟一子專務間阻無君如此。

誰則堪之。乃貶峻商州司馬以病卒。

三月周主以郭榮為開封尹封晉王。

夏六月周九經板成。

後唐長興中所刻九經板。至是始成。獻之。由是雖亂世。

九經傳布甚廣。

是時蜀母昭裔亦出私財百萬。營學館。且請刻板印九經。蜀主從之。由是蜀中

文學亦盛。

母氏齊宣王翁封母鄉。

其後因以爲氏。昭裔河中龍門人。

王達執劉言殺之。尋以周行逢知朗州事。

達上表于周。誣言欲降唐。幽之別館。請復移使府治潭

州。周從之。達以周行逢知朗州事。使潘叔嗣殺言于朗

州。

已而達復徙治朗州。以行逢知潭州事。叔嗣爲岳州團練使。

秋七月唐大旱。

唐大旱。井泉涸。淮水可涉。饑民度淮相繼。濠壽發兵禦

之。民與鬪而北。周主聞之曰。彼我之民一也。聽糴米過

淮。唐人遂築倉多糴以供軍。八月詔以舟車運載者勿

子。

八月。周塞決河。

周大水。

周築郊社壇。作太廟于大梁。

周主自入秋得風痺疾。術者言宜散財以禳之。周主欲祀南郊。又以自梁以來。郊祀常在洛陽。疑之。執政曰。天子所都。則可以祀百神。何必洛陽。于是始築圜丘。社稷壇。作太廟于大梁。

周鄴都留守王殷入朝。周主殺之。

殷恃功專橫。凡河北鎮戍兵。應用敕處分者。殷卽以帖行之。又多陪斂民財。周主聞之。不悅。因其入朝。留充京

城內外巡檢。因力疾御殿。殷入起居。遂執之。下制誣殷謀以郊祀日作亂。殺之。

唐復置科舉。

從知制誥徐鉉之請也。

冬十二月。周主朝享太廟。疾作而退。

周主享太廟。纔及一室。不能拜而退。命晉王榮終禮。是夕。宿南郊。幾不救。夜分小愈。

甲周顯德元年正月。世宗皇帝榮立。冬。北漢寅乾祐七年。旻子鈞立。是歲凡五國三鎮。春正月朔。周主祀圜丘。

周主祀圜丘。僅能瞻仰致敬而已。

周以晉王榮判內外兵馬事。

時羣臣希得見。中外恐懼。聞晉王與兵。人心稍安。

周主疾篤。詔晉王榮聽政。

周主疾篤。停諸司細務。勿奏。有大事。則晉王榮稟進止。

宣行之。

初。周主在鄴都。奇愛小吏曹翰之才。使之事晉王榮。至是。翰請間曰。大王國之儲嗣。今主上寢疾。大王當入侍醫藥。奈何。猶決事于外邪。榮感悟。即日

入止禁中。周主屢戒榮曰。昔吾西征。見唐十八陵。無不發掘者。此無他。惟多藏金玉故也。我死。當衣以紙衣。斂以瓦棺。壙中無用石。以錢代之。工人役徒。皆和雇。勿以煩民。葬畢。募近陵民三十戶。蠲其雜徭。使之守視。勿修下官。置宮人。作石羊虎人馬。惟刻石置陵前云。周天子平生好儉約。遺令用紙衣瓦棺。嗣天子不敢違也。汝或吾違。吾不福汝。曹翰。大名人也。

周遣使分塞決河。

周以王溥同平章事。

周主命趣草制相溥。宣畢曰。吾無恨矣。

周主威祖。晉王榮立。

是為周世宗。

二月。北漢主以遼兵擊周。周昭義節度使李筠。

即李榮。避周主名改。

逆戰敗績。

北漢主聞周太祖殂。甚喜。遣使請兵于遼。遼遣其政事

令楊衮。將萬騎如晉陽。北漢主自將兵三萬。以白從暉

吐谷渾人。

為都部署。張元徽。

武安人。

為前鋒使。與遼趣潞州。節

度使李筠。遣其將穆令均。將兵逆戰。元徽與戰。陽不勝

而北。令均逐之。伏發被殺。筠遁歸上黨。嬰城自守。

三月。周主自將與漢戰于高平。

注見前。

漢兵敗績。周將樊愛

能。何徽等伏誅。

周主欲自將禦漢兵。羣臣皆曰。陛下新即位。山陵有日。

馮道歷事四姓浮沉取容
未聞有所建自忽于周主
白將一節曉曉不休既非
致主之忠又無料敵之智
而激切盡言頓似彈正此
非沽直名也然其器器彼
天性畏事即使北漢至而
周祚移彼又將從北漢而
保祿位周之成敗固非所
介于懷也

人心易搖不宜輕動宜命將禦之周主曰崇幸我大喪

輕朕年少新立此必自來朕不可不往馮道固爭之周

曰昔唐太宗定天下未嘗不自行朕何敢偷安道曰未

審陛下能為唐太宗否周主曰以吾兵力之彊破劉崇

如山壓卵耳道曰未審陛下能如山否周主不悅惟王溥勸行乃命馮道奉梓

宮赴山陵遂發大梁至懷州兼行速進宿澤州東北北

漢主軍高平南明日周前鋒擊之北漢兵卻周主慮其

遁去趣諸軍急進北漢主陳于巴公原在澤州府鳳臺縣北今名巴公

鎮張元徽軍其東楊衮軍其西衆頗嚴整周河陽節度

使劉詞將後軍未至衆心危懼而周主志氣益銳命白

重贊惠州人李重進滄州人周太祖之甥將左軍居西樊愛能何徽

將右軍居東向訓史彥超將精騎居中張永德并州陽

曲人將禁兵自衛。介馬臨陳督戰。北漢主見周兵少。悔召

遼兵。遼將楊衮策馬前望周軍。退謂北漢主曰。勁敵也。

未可輕進。北漢主奮髯曰。請公勿言。試觀我戰。時東北

風盛。俄轉南風。北漢主麾東軍先進。擊周右軍。合戰未

幾。周樊愛能向徽引騎兵先遁。右軍潰。步兵千餘人解

甲降北漢。周主見軍勢危。自引親兵犯矢石督戰。趙匡

胤涿郡人。卽宋太祖。時爲宿衛將。謂同列曰。主危如此。吾屬何

得不致死。又謂張永德曰。賊氣驕可破也。公引兵乘高

西出爲左翼。我爲右翼以擊之。國家安危在此一舉。永

德從之。各將二千人進戰。匡胤身先士卒。馳犯其鋒。士

卒死戰無不一當百。北漢兵披靡。張元徽前畧陳馬倒。

爲周兵所殺。北軍奪氣。時南風益盛。周兵爭奮。北漢兵大敗。楊衮畏周兵之彊。不敢救。且恨北漢主之語。全軍而退。時北漢主尚有餘衆萬餘人。阻澗而陳。薄暮。劉詞至。復與諸軍擊敗之。追至高平。僵尸滿谷。委棄輜重器械。不可勝紀。是夕。周主野宿。得步兵之降敵者。皆殺之。樊愛能等聞捷。與士卒稍稍復還。北漢主帥百餘騎。晝夜北走。所至得食未舉。筋或傳周兵至。輒蒼黃而去。衰老力憊。殆不能支。僅得入晉陽。周主休兵高平。欲誅樊愛能等。猶豫未決。以訪張永德。對曰。愛能等素無大功。忝冒節鉞。望敵先逃。死未塞責。且陛下欲削平四海。苟軍法不立。雖有熊羆之士。百萬之衆。安得而用之。周

主稱善。卽收愛能徽及所部軍使以上七十餘人責之曰。汝輩非不能戰。正欲以朕爲奇貨。賣與劉崇耳。悉斬之。自是驕將倚卒。始知所懼矣。永德稱趙匡胤之智勇。

周主擢爲殿前都虞候。

宋太祖事始此。

餘將校遷拜者凡數十

人。

北漢主收散卒繕甲兵完城塹以備周遣王得中送楊衮還因復求救于遼遼主許之已而得中歸值周

兵囚送于軍周主釋之賜以帶馬問虜兵何時當至得中曰臣受命送楊衮他無所求或謂得中曰公不以實告契丹兵卽至公得無危乎得中太息曰吾食劉氏祿有老母在城中若以實告周人必發兵據險以拒之如此則家國兩亡吾獨生何益不若殺身以全家國所得多矣居數日周人縊殺之王得中上黨人。

周遣行營部署符彥卿督諸將攻北漢至晉陽孟縣。

漢置今縣

屬平定州汾遼州降。

周主遣符彥卿等北征但欲耀兵于晉陽城下未議攻

取既入北漢境。其民爭以食物迎勞。泣訴劉氏賦役之重。願供軍須。助攻晉陽。州縣亦繼有降者。周主始有兼并之意。

既而北漢憲。嵐州降周。周又克北漢石州。沁。忻州亦降。

周中書令馮道死。

道少能矯行。以取稱于世。及為大臣。尤務持重。以鎮物。

事四姓十君。

滑稽多智。浮沉取容。

益以舊德自處。然是時天下大

亂。道視喪君亡國。未嘗以屑意。方自著長樂老敘。述所

得累朝階勲官爵。以為榮。君子鄙之。

賣國老店。請認馮記。不誤主顧。

歐陽修論曰。禮義廉恥。國之四維。四維不張。國乃滅亡。况為大臣而無廉恥。天下其有不亂。國家其有不亡者乎。觀馮道長樂老敘。自述以為榮。可謂無廉恥者矣。則天下國家。可從而知也。

夏五月。周主攻晉陽。不克。引軍還。

人君躬覽庶政則權不下
移奸欺無由得售所全實
矣高錫狂于晏安習見但
以垂拱為得大體而不知
勅幾實撫治原藉如所言
擇人分任而不復稽其職

周主自潞州趨晉陽至其城下旗幟環城四十里遼騎
數千屯忻代之間周遣符彥卿等擊之史彥超為前鋒
恃勇輕進為遼所殺周兵死傷甚眾彥卿引兵還晉陽
時方久雨士卒疲病會彥超死乃議引還將發匡國節
度使藥元福曰進軍易退軍難乃勒兵成列而殿北漢
果出兵追躡元福擊走之然軍還恩遽焚棄芻糧數十
萬失亡不可勝計所得北漢州縣復皆失之周主以違
漢兵自是政無大小皆親決百官受成而已河南府推
官高錫上書諫曰四海之廣萬幾之眾雖堯舜不能獨
治必擇人而任之今陛下以一身親之天下不謂陛下
聰明睿知足以兼百官之任皆謂陛下褊迫疑忌不信
羣臣耳不若選能知人公正者以為宰相能愛民聽訟
者以為守令能豐財足食者使掌金穀能原情守法者
使掌刑獄陛下但垂拱明堂視其功過而賞罰之天下
何憂不治何必降尊而代臣職屈貴位而親賤事無

事安必所擇皆賢與能而不爽知人之鑒乎觀周世宗事皆親決而美政史不暇書可以知治要矣

乃失政之本乎。不從。高錫字天福河中虞鄉人。

冬十月周簡閱諸軍募壯士以補宿衛。

初宿衛之士累朝相承務爲姑息不欲簡閱恐傷人情由是羸老居多但驕蹇不用命實不可用每遇大敵不走卽降其所以失國亦多由此周主因高平之戰始知其弊謂侍臣曰凡兵務精不務多今以農夫百未能養甲士一奈何朕民之膏血養此無用之物乎且健懦不分衆何所勸乃命大簡諸軍精銳者升之上軍羸者斥去之又以驍勇之士多爲諸道所蓄詔募天下壯士咸遣詣闕命趙匡胤選其尤者爲殿前諸班其騎步諸軍各命將帥選之由是士卒精彊所向克捷。

行孝居不金車
卷之二
三
周罷諸道巡檢使臣。

周主謂侍臣曰。諸道盜賊頗多。蓋由累朝分命使臣巡檢。致藩侯守令。皆不致力。宜悉召還。專委節鎮州縣。責其清肅。

十一月。周河隄成。

河自楊劉至于博州。百二十里。連年東潰。分爲二派。匯爲大澤。瀰漫數百里。又東北壞古隄而出。灌齊棣淄諸州。漂沒田廬。不可勝計。流民采菰。卽茭。草似米也。稗。草似穀者。捕魚以給食。久不能塞。至是遣李穀按視。隄塞役徒六萬。三十日而畢。

北漢主旻殂。子鈞立。

北漢主自高平之敗憂憤成疾悉以國事委其子承鈞。及是北漢主殂告哀于遼遼冊命承鈞爲帝更名鈞。鈞性孝謹既嗣位勤于爲政愛民禮士境內粗安其事遼表稱男遼賜詔謂兒皇帝。

湖南大饑

是歲湖南大饑周行逢開倉以賑之全活甚衆。

行逢起于微賤。

知民間疾苦其自奉甚薄或譏其太儉行逢曰馬氏父子窮奢極靡不恤百姓今子孫乞食于人又足效乎。

乙酉周顯德二年是卯歲凡五國三鎮。

春正月周制給漕運斗耗。

自晉漢以來漕運不給斗耗綱吏多以虧欠抵死至是。

詔每斛給耗一斗。

周遣使如夏州。

一齋詔往責而致謝罪
恐後由周世宗灼見其無
能為是以言下立斷莫不
如志若狂于傷省之說委
曲調停轉至損威敗事侵
尋貽害觀于宋人以天下
全方為西夏一隅所困莫
敢誰何對此能無頽厚乎

先是周主圍晉陽折德辰將兵來朝因置永安軍以德
辰為節度使李彝興以德辰與已並列恥之塞路不通
周使周主謀于宰相對曰夏州邊鎮朝廷每加優借府
州福小得失不繫重輕且宜撫諭彝興庶全大體周主
曰德辰數年以來盡力以拒劉氏奈何一旦棄之且夏
州惟產羊馬貿易百貨悉仰中國我若絕之彼何能為
乃遣供奉官齋詔書責之彝興惶恐謝罪

周制舉令

縣錄州錄
令錄事法

初令翰林學士兩省舉令錄除官之日仍著舉者姓名
若貪穢敗官並當連坐

周浚胡盧河

在趙州寧晉縣東南今名寧晉泊亦曰北城
泊漳滏諸水所匯下流至冀州合滹沱河

李晏口

今日李晏鎮有二。一在河間府景州。東北為東鎮。一在深州南為西鎮。

以張藏革

范陽

人。嘉貞之後。

為沿邊巡檢使。

遼人屢侵河北。輕騎深入。無藩籬之限。郊野每困殺掠。

言事者稱深冀之間。有胡盧河。橫亘數百里。可浚之以

限其奔突。詔王彥超

大名臨清人。

韓通

太原人。

將兵夫浚之。築

城于李晏口。留兵戍之。周主召張藏英。問以備邊之策。

藏英具陳地形要害。請列置戍兵。募邊人驍勇者。厚其

廩給。自請將之。隨宜討擊。從之。藏英到官數月。募得千

餘人。彥超等視役。嘗為遼人所圍。藏英引兵馳擊。大破

之。自是河南之民。始得休息。

二月。庚子朔。日食。周詔羣臣極言得失。

詔曰。朕于卿大夫。才不能盡知。面不能盡識。若不采其言而觀其行。審其意而察其忠。則何以見器識之淺深。知任用之得失。若言之不入。罪實在予。苟求之不言。咎將誰執。

夏四月。周廣大梁城。

周主以大梁城中迫隘。詔展外城。先立標幟。令冬農隙興板築。東作動。則罷之。更俟次年以漸成之。

周以王朴爲諫議大夫。知開封府事。

周主謂宰相曰。朕每思致治之方。未得其要。寢食不忘。又吳蜀幽并。皆阻聲教。未能混一。宜命近臣。著爲君難爲臣不易論。及開邊策。各一篇。朕將覽焉。比部郎中王

朴獻策。

以中國之失吳蜀幽并皆由失道今必先觀所

也莫不以君暗臣邪兵驕民困姦黨內熾武夫外橫因

小致大積微成著今欲取之莫若反其所爲而已進賢

退不肖以收其才恩隱誠信以結其心賞功罰罪以盡

其力去奢節用以豐其財時使薄斂以阜其民俟羣才

既集政事既治財用既充士民既附然後舉而用之功

無不成矣凡攻取之道必先其易者唐與吾接壤幾二

千里其勢易擾也擾之當以無備之處爲始備東則擾

西備西則擾東彼必奔走而救之奔走之間可以知其

虛實疆弱然後避實擊虛避強擊弱未須大舉宜以輕

兵擾之南人懦怯聞小有警必悉師以救之師數動則

民疲而財竭不悉師則我可以乘虛取之如此江北諸

州將悉爲我有既得江北則用彼之民行我之法江南

亦易取也得江南則嶺南巴蜀可傳檄而定南方既定

則燕地必望風內附若其不至移兵攻之席捲可平惟

河東必死之寇不可以恩信誘必當以彊兵制之然彼

自高平之敗力竭氣沮必未能爲邊患宜且以爲後圖

俟天下既平然後伺間一舉

可擒也恩隱謂矜恤也

周主欣然納之時羣臣多

守常偷安所對少可取者惟朴神峻氣勁有謀能斷周

主重之。以爲諫議大夫。知開封府事。

五月。周遣鳳翔節度使王景

萊州掖人。伐蜀。

周主謀取秦鳳。求可將者。王溥薦宣徽使向訓。詔訓與景偕取秦州。

周廢無額寺院。禁私度僧尼。

敕天下寺院。非敕額者。悉廢之。禁私度僧尼。凡欲出家者。必俟祖父母。父母。伯叔父之命。禁僧俗捨身。斷手足。煉指。挂燈。帶鉗之類。幻惑流俗者。令諸州。每歲造僧帳。有死亡歸俗。皆隨時開落。廢寺院三萬餘所。存二千六百九十四。見僧尼六萬餘人。

六月。周主親錄囚于內苑。

有汝州民馬遇父及弟爲吏所冤死。屢經覆按。不能自伸。周主臨問。始得其實。人以爲神。由是諸長吏無不親察獄訟。

蜀遣使如唐及北漢。

蜀主遣間使如北漢及唐。欲與之俱出兵以制周。二國皆許之。

周以張美

字元珪。只州清河人。權點檢三司事。

初。周主在澶州。美掌州之金穀。隸三司者。周主或私有所求。美曲爲供副。至是以美治財精敏。當時鮮及。故以權授之。征伐四方。用度不乏。美之力也。然思在澶州所爲。終不以公忠待之。

秋九月周始鑄錢。

周主以縣官久不鑄錢而民間多銷錢爲器皿及佛像錢益少。敕立監采銅鑄錢。唯法物軍器及寺觀鐘磬鉢鐸之類聽留外。民間銅器佛像五十日內輸官受直。過期匿五斤以上罪死。不及者論刑有差。周主謂侍臣曰。苟志于善。斯奉佛矣。彼銅像豈所謂佛邪。且吾聞佛志在利人。雖頭目猶捨以布施。若朕身可以濟民。亦非所惜也。

周王景敗蜀師。取秦階成州。

蜀主遣李廷珪伊審徵拒周兵。王景遣裨將以兵趣唐

倉。

鎮名。在漢中府鳳縣北。

扼蜀歸路。蜀將戰敗。秦州判官趙玘潼州

人。

舉城降。成。階。二州皆降。百官皆入賀。周主舉酒屬王

溥曰邊功之成卿擇帥之力也。蜀李廷珪伊審徵請罪蜀王皆釋之致書請和

于周周主怒其抗禮不答周師圍蜀鳳州節度使王環拒守不下久之城陷執環及都監趙崇溥崇溥不食而死環召見周主嘉其不降授右驍衛將軍王環鎮州人

冬十一月周遣李穀督諸軍伐唐。

周以李穀為淮南前軍都部署王彥超副之督侍衛都

指揮使韓令坤磁州武安人等十二將以伐唐。唐主性柔和喜

人順已由是諛臣日進政事日亂既克建州破湖南蓋驕有吞天下之志李守貞慕容彥超之叛皆為之出師又遣使通遼及北漢約共圖中國然遼利其貨徒以虛語相往來實不為之用也先是每冬淮水淺涸常發兵戍守謂之把淺壽州監軍吳廷紹以疆場無事罷之清淮節度使劉仁瞻固爭不能得及是周師將至唐人大懼仁瞻神氣自若剖分守禦無異平日衆情稍安

周䟽汴水。

汴水自唐末潰決。自埇橋東南。悉為汙澤。周主謀擊唐。先命發民夫。因故隄疏導之。東至泗上。議者皆以為難成。周主曰。數年之後。必獲其利。

唐遣兵拒周師于壽州。周師擊敗之。

唐主以劉彥貞

兖州中都人。

為都部署。將兵二萬趣壽州。皇

甫暉

後晉開運未奔唐。

姚鳳將兵三萬屯定遠。

梁縣。今屬鳳陽府。

召鎮

南節度使宋齊邱還金陵。謀國難。周李穀等為浮梁。自

正陽

鎮名。有二。一在潁州府潁上縣東南。為西鎮。一在鳳陽府壽州。為東鎮。兩鎮夾淮相對。

濟淮。

王彥超敗唐兵于壽州城下。

周樞密使鄭仁誨

字日新。晉陽人。卒。

仁誨卒。

仁誨為周太祖所親重。居中謀畫。慎密。不聞于人。謙謹好禮。為士大夫所稱。

周主欲

臨其喪。近臣奏歲道非便。謂年月方道不利。周主曰：君臣義重。

何時日之有。往哭盡哀。

吳越遣使入貢于周。

吳越王俶遣使入貢于周。周以詔諭之。使出兵擊唐。俶

奉詔。又以其相吳程言。遣兵襲唐常州。元德昭曰：唐大國。未可輕也。若我入唐境而周師不至。能無危乎。已而唐主以柴克宏為右武衛將軍。使救常州。尋召還。宣潤都督燕王冀表留之時。吳程已克常州外郭。克宏引兵襲擊其營。大破之。斬首萬餘級。克宏復請將兵救壽州。未至而卒。吳程字正臣。山陰人。元德昭本姓危。字明遠。撫州南城人。惡危字。更姓為元。柴克宏再用之子。

丙辰周顯德三年。是歲凡五春正月。周主自將伐唐。大敗唐

兵。斬其將劉彥貞。

周主下詔親征淮南。命侍衛都指揮使李重進將兵先

赴正陽。遂發大梁。李穀攻壽州。久不克。唐劉彥貞救之。穀退保正陽。彥貞素驕貴。無才畧。聞李穀退。喜。引兵直抵正陽。劉仁贍及池州刺史張全約固止之。彥貞不從。李重進度淮逆戰。大破之。斬彥貞。擒其裨將咸師朗等。斬首萬餘級。是時江淮久安。民不習戰。唐人大恐。張全約收餘衆奔壽州。劉仁贍表爲左廂都指揮使。皇甫暉姚鳳退保清流關。清流關在滁州西南。

周以李重進爲都招討使。李穀判壽州行府事。

二月。周主命趙匡胤將兵襲唐滁州。克之。擒其將皇甫暉姚鳳。

先是。周主至壽州城下。命諸軍圍之。徙正陽浮梁于下。蔡遣趙匡胤擊唐兵于塗山。大破之。至是。下蔡浮梁成。

周主自往視之。命匡胤倍道襲清流關。皇甫暉等驚走入滁州。斷橋自守。匡胤躍馬麾兵。涉水直抵城下。暉曰。人各為其主。願容成列而戰。匡胤笑而許之。暉整眾而出。匡胤突陣擊暉。擒之。并擒姚鳳。遂克滁州。初。永興節度使劉詞遣表薦其幕僚趙普。至是。范質以為滁州判官。匡胤與語。悅之。時獲盜百餘人。皆應死。普請先訊鞠。然後決。所活什七八。匡胤益奇之。匡胤威名日盛。每臨陣。必以繁纓飾馬。鎧仗鮮明。或曰。如此則為敵所識。匡胤曰。吾固欲其識之耳。
字則平。幽州薊人。趙普。

唐主遣鍾謨。字重益。崇安人。李德明奉表于周。

唐主先奉書于周。稱唐皇帝。願以兄事周。周主不答。及是以兵屢敗。懼亡。乃遣翰林學士鍾謨。文理院學士李德明。奉表稱臣。請平于周。謨。德明。素辯口。周主知其欲

游說盛陳甲兵而見之。曰。爾主自謂唐室苗裔。宜知禮義。異于他國。與朕止隔一水。未嘗遣一介以修好。惟泛海通契丹。捨華事夷。禮義安在。且汝欲說我令罷兵邪。我非六國愚主。豈汝口舌所能移邪。可歸語爾主。亟來見朕。再拜謝過。則無事矣。不然。朕欲往觀金陵城。借府庫以勞軍。汝君臣得無悔乎。二人戰栗不敢言。

周取唐揚州。

周主詔知揚州無備。命韓令坤等將兵襲之。令坤奄至揚州。以數騎馳入城。城中不之覺。唐副留守馮延魯髡髮僧服而逃。軍士執之。令坤慰諭其民。使皆安堵。

已而周取

唐泰州。尋復取唐光舒。蘄州。

唐滅故吳主楊氏之族

唐主遣園苑使尹延範如秦州。遷吳讓皇之族于潤州。延範以道路艱難。恐其爲變。盡殺其男子六十人。還報。唐主怒。腰斬之。

岳州團練使潘叔嗣殺王逵。迎周行逢入朗州。行逢討叔嗣。斬之。

王逵受周詔攻唐。過岳州。潘叔嗣燕犒甚謹。逵左右索取無厭。譖叔嗣于逵。逵面罵之。叔嗣慙恨。謂其下曰。逵戰勝而還。吾無遺類矣。乃以兵襲朗州。逵還戰。敗死。或勸叔嗣遂據朗州。叔嗣曰。吾救死耳。朗州非吾利也。乃歸岳州。使將吏迎周。行逢于潭州。行逢至。或請以潭州

與叔嗣行逢曰。叔嗣殺主帥。罪當死。以其迎我。未忍殺爾。若與潭州。是吾使之殺王公也。召爲行軍司馬。叔嗣怒。稱疾不至。行逢曰。是又欲殺我矣。乃陽以武安節鉞與之。召使至府受命。旣至。數其罪而斬之。行逢乃自稱武平留後。奉表于周。

三月。周主行視水寨。

周主至泚橋。

泚水上之橋。

自取一石。馬上持之。至寨以供礮。

從官過橋者。人舉一石。趙匡胤乘皮船入壽春壕中。城

上發連弩射之。矢大如椽。牙將張瓊

館陶人。

以身蔽之。矢

中瓊髀。死而復蘇。鏃著骨不可出。瓊飲酒一大卮。令人

破骨出之。流血數升。神色自若。

矢大如椽。自古未聞。弩雖千鈞亦難。以張殼且果如所云。則鏃之大當幾何。中鏃非洞卽折。又安能破骨出之。史家特欲顯張瓊之勇壯。而不計其言之害理。薄會矣。實何以徵信。

唐遣司空孫晟奉表于周。

唐主以孫晟爲司空。遣與禮部尚書王崇質奉表于周。

請奉正朔。守土疆。晟謂馮延巳曰。此行當在左相。然晟

若辭之。則爲負先帝矣。旣行。知不免。中夜歎息。謂崇質

曰。君家百口。宜自爲謀。吾思之熟矣。終不負永陵。

李昇之陵。

一抔土。餘無所知也。旣至。周主遣中使以晟等詣壽春

城下。示劉仁贍。且招諭之。仁贍見晟。戎服拜于城上。晟

謂仁贍曰。君受國厚恩。不可開門納寇。周主聞之。怒。晟

曰。臣爲唐宰相。豈可教節度使外叛邪。周主釋之。

唐主使李

德明。孫晟言于周。請去帝號。割六州。歲輸金帛百萬。以求罷兵。周主欲盡得江北之地。不許。德明請歸白唐主。獻之。晟因奏遣王崇質與德明俱歸。賜唐主詔曰。諸郡悉來。大軍立罷。但存帝號。何爽歲寒。儻堅事大之心。終

不迫人于險。言盡于此。更不煩云。苟曰未然。請從茲絕。
唐主復上表謝。德明盛稱周主威德。及甲兵之彊。勸唐
主割江北之地。唐主不悅。宋齊邱以割地為無益。德明
言多過實。樞密使陳覺。副使李徵古。素惡晟及德明。因
譖德明賣國求利。唐主大怒。斬之。李徵古。壽春人。

唐主以其弟齊王景達為元帥。將兵拒周師。

唐主以景達為諸道兵馬元帥。將兵拒周。以陳覺為監
軍使。中書舍人韓熙載上書曰。信莫信于親王。重莫重
于元帥。安用監軍為哉。不從。

夏四月。唐兵攻六合。趙匡胤擊破之。

先是周主命匡胤將兵屯六合。唐將軍陸孟俊以兵趣

州。韓令坤亦走周主急遣匡胤屯六合。匡胤令曰。揚州
兵有過六合者折其足。令坤乃還揚州拒守。擊破唐兵。
擒孟俊。殺之。至是唐齊王景達將兵濟江。距六合二十餘里。

行軍而設之監雖得其人
猶不究于掣肘況以覺之
庸陋惟知擁兵坐視逼朱
元以棄淮北安得不驟闖
外之計至明代專住關寺
而昌功匿敗其弊不可枚
舉自古覆轍相尋恬不知
怪亦可愍也

設棚不進。諸將欲擊之。匡胤曰。吾眾不滿二千。若往擊之。彼必見吾眾寡矣。不如俟其來而擊之。其破必矣。居數日。唐出兵趣六合。匡胤奮擊大破之。殺獲近五千人。溺死甚衆。于是唐之精卒盡矣。是戰也。將士有不致力者。匡胤陽爲督戰。以劍斫其皮笠。明日。遍閱其笠。笠有劍跡者。數十人。皆斬之。由是部兵莫敢不盡死。

周主如渦口

周主攻壽州。久不克。失亡頗多。糧運不繼。議欲旋師。乃先幸濠州。會渦口作新浮梁成。復自濠州如渦口。欲遂至揚州。范質等以兵疲食少。泣諫而止。周主嘗怒實儀。欲殺之。范質入救之。周主起避之。質趨前伏地叩頭曰。儀罪不至于死。臣爲宰相。致陛下枉殺近臣。罪皆在臣。繼之以泣。周主意解。乃釋之。

五月周主還大梁留李重進圍壽州

六月唐遣員外郎朱元

沈邱人本姓舒事李守貞易其姓使于唐守貞敗遂仕唐將兵

復江北諸州

元因奏事論用兵方畧唐主以為能故用之

秋七月周以周行逢為武平節度使

行逢留心民事悉除馬氏橫賦貪吏猾民為民害者皆

去之擇廉平吏為刺史縣令境內以治

行逢性勇敢果于殺戮夫人嚴

氏諫之行逢怒嚴氏因請往視家田至則營居以老歲

時衣青裙押佃戶送租入城行逢就見之曰夫人何自

苦若此嚴氏曰公思作戶長時乎民租後時嘗苦鞭扑

今貴矣宜先期以率眾安得遂忘隴畝乎行逢置遂之

嚴氏卒無留意因曰公用法太嚴而失人心所以不欲

留者一旦禍起田野易為逃匿耳行逢為少損嚴氏

通鑑作鄧氏

今依五代史

唐朱元等取舒。和。蘄州。周揚滁。州守將皆棄城。并兵攻壽州。

初。唐人以茶鹽彊民。而徵其粟帛。謂之博徵。博。易也。謂以茶鹽易粟也。又興營田于淮南。民甚苦之。及周師至。爭奉牛酒。

迎勞。而將帥不之恤。專事俘掠。民皆失望。相聚山澤。操農器爲兵。積紙爲甲。時人謂之白甲軍。周兵討之。屢爲所敗。所得諸州。多復爲唐有。淮南節度使向訓。奏請以廣陵之兵。併力攻壽春。詔許之。訓封府庫以授主者。命牙將分部。按行城中。秋毫不犯。州民感悅。軍還。或負糗糒以送之。滁州守將亦棄城。引兵趣壽春。唐諸將請據險以邀周師。宋齊邱曰。如此。則怨益深。不如縱之以德于敵。則兵易解也。乃命諸將自守。毋得擅出。由是壽春之圍益急。齊

後唐書卷之十一
王景達軍于濠州。遙爲聲援。軍政皆由于陳
覺擁兵五萬。無決戰意。將吏畏之。無敢言者。

八月。周作欽天歷。

王朴與司天少監王處訥

河南洛陽人。

所撰也。

冬十月。周立二稅起徵限。

周主謂侍臣曰。近朝徵歛穀帛。多不俟收穫紡績之畢。
乃詔三司。自今夏稅以六月。秋稅以十月起徵。民間便
之。

周山南東道節度使安審琦入朝。除太師。遣還鎮。

審琦鎮襄州十餘年。至是入朝。除守太師。遣還鎮。審琦
感悅。周主謂宰相曰。近朝多不以誠信待諸侯。雖有欲
效忠節者。其道無由。王者但能毋失其信。何患諸侯不

歸心哉。

周以趙匡胤為定國

即同州匡國軍改號

節度使兼殿前都指揮使

匡胤表趙普為節度推官。

十一月周殺唐使者司空孫晟。

唐使者孫晟鍾謨從至大梁周主待之甚厚時召見飲

以醇酒問以唐事晟但言唐主畏陛下神武事陛下無

二心會得唐蠟書

張永德與李重進不相悅永德密表重進有二心周主不之信已而重進

詰永德營宴飲永德意解唐主聞之以蠟書誘重進皆誘毀反間之語重進奏之

周主召晟責

之晟正色抗辭請死問以唐虛實默不對命都承旨曹

翰送晟于右軍巡院與之飲酒從容問之晟終不言翰

乃謂曰有敕賜相公死晟神色怡然索靴袍整衣冠南

向拜曰臣謹以死報國乃就刑并從者百餘人皆殺之

貶鍾謨爲耀州司馬

既而周主憐晟忠節悔殺之召謨拜衛尉少卿

周召華山隱士陳搏

字圖南亳州真源人

詣闕尋遣還山

周主召陳搏問以飛升黃白之術對曰陛下爲天子當以治天下爲務安用此爲乃遣還山詔州縣長吏常存問之

丁周顯德四年北漢天會己元年是歲凡五國三鎮

春正月唐遣兵救壽州周師擊

破之

唐齊王景達遣邊錡朱元等將兵數萬救壽州軍于紫

金山

在壽州東北

列十餘寨與城中烽火相應又築甬道運

糧綿亘數十里將及壽春周李重進邀擊大破之死者

五千人奪其二寨。劉仁瞻請以邊鎬守城。自帥眾決戰。

景達不許。

仁瞻憤悒成疾。其幼子崇諫。夜泛舟渡淮。為小校所執。仁瞻命腰斬之。監軍使周廷構哭。

于中門以救之。不許。廷構復使求救于夫人薛氏。薛氏曰。妾于崇諫。非不愛也。然軍法不可私。名節不可虧。若貸之。則劉氏為不忠之門。妾與公何面目見將士乎。趣命殺之。然後成喪。將士皆感泣。

二月。周更造祭器祭玉。

命國子博士聶崇義。

河南洛陽人。

討論制度。為之圖。

三月。周主復如壽州。大破唐兵。唐元帥景達奔還。

先是。唐水軍銳敏。周人無以敵之。周主以為恨。反自壽

春。于大梁城西汴水側。造戰艦數百艘。命唐降卒教北

人水戰。數月之後。縱橫出沒。殆勝唐兵。至是車駕發大

梁。命王環將之。自閔河。

即蔡河。舊自祥符尉氏至陳州入潁。宋史河渠志。蔡河兼閔水。

以通舟楫。沿潁入淮。唐人大驚。三月。周主渡淮。抵壽春。是也。今埋。

城下。躬擐甲胄。軍于紫金山南。命趙匡胤擊唐寨。破之。斷其甬道。由是唐兵首尾不能相救。朱元舉寨萬餘人降周。其餘衆沿流東潰。周主自將騎數百。與諸將夾岸追之。唐兵戰溺死及降者殆四萬人。劉仁贍聞援兵敗。扼吭歎息。景達陳覺皆奔歸金陵。

唐壽州監軍周廷構以城降周。唐節度使劉仁贍死之。周以壽州爲忠正軍。徙治下蔡。

周主耀兵于壽州城北。唐清淮節度使劉仁贍病甚。不知人。監軍使周廷構等作仁贍表。昇仁贍出城以降于周。仁贍臥不能起。周主慰勞賜資。復令人城養疾。徙壽

柴守禮犯法事論者紛如聚訟周世宗既承郭氏之業則爲人後者爲之子自不得復顧所生若如胡寅所云尊守禮爲太上皇而爲郭氏立後是襲人之統緒而陰據之殊非情理之正然毛裏至性豈容忽忘隆稱雖不可輕加孝養獨不當兼盡乎誠使迎奉京師安居宮禁循晨起居

州治下蔡。又制曰。劉仁贍盡忠所事。抗節無虧。前代名臣。幾人堪比。其以爲天平節度使。兼中書令。是日卒。追賜爵彭城郡王。唐主聞之。亦贈太師。周主復以清淮軍爲忠正軍。以旌仁贍之節。

周主之父光祿卿致仕柴守禮犯法。周主不問。

守禮及當時將相王溥王晏

徐州滕縣人。

韓令坤之父遊處。

恃勢恣橫。洛人畏之。謂之十阿父。周主旣爲太祖嗣。人無敢言守禮子者。但以元舅處之。優其俸給。未嘗至大梁。嘗以小忿殺人。有司不敢詰。周主知而不問。

夏四月。周主還大梁。

周疏汴水入五丈河。

在開封府祥符縣北。九域志。河卽禹貢之荷澤。從都北。歷陳留及鄆。其廣

之節何致守禮以暱眦殺
人必待屈法以全恩乎處
之可卿直是臣觀其父稱
之三舅并且諱言其子名
不正而義不安其何以訓
天下周世宗固五季令辟
此則不能為賢者諱也起
莘援桃應設問曲為較論
無異疑人說夢歐陽修且
從而贊美之豈足語于褒
貶之正哉

五丈
故名。

自是齊魯舟楫皆達于大梁。

五月周作刑統。

詔以律令文古難知。勅格煩雜不一。命侍御史張滉等
訓釋刪定為刑統。

唐敗周兵。斷其浮梁。

唐郭廷謂字信臣。彭城人。將水軍斷渦口浮梁。又襲敗武行德

于定遠。唐以廷謂為應援使。

秋八月。周平章事李穀罷。以王朴為樞密使。

穀臥疾二年。九表辭位。罷守本官。令每月肩輿一詣便

殿議政事。

五月。周以竇儼字望之。儀之弟。爲中書舍人。

儼上疏請令有司討論禮儀。考正鍾律。作通禮。正樂。又

論政刑及勸農經武之要。以爲爲政之本。莫大擇人。擇

末。輕用名器。始爲輔弼。卽兼三公僕射之官。故其未得

之也。則以趨競爲心。既得之也。則以容默爲事。乞令宰

相各舉所知。且令本官權知政事。期歲之間。察其職業。

若果能堪稱。其官已高。則除平章事。水高。則稍更遷官。

權知如故。若有不稱。則罷其政事。責其舉者。又班行之

中有員無職者大半。乞量其才器。授以外任。考其治狀。

能者進之。否者黜之。又請令盜賊自相糾告。以其所告

賁產之半賞之。或親戚爲之首。則論其徒侶。而赦其所

首者。如此。則盜不能聚矣。又新鄭鄉村。團爲義營。各立

將佐。一戶爲盜。累其一村。一戶被盜。罪其一將。每有盜

發。則鳴鼓舉火。丁壯雲集。盜少民多。無能脫者。由是一

境獨清。請令他縣皆效之。亦止盜之一術也。又累朝屢

詔聽民廣耕。止輸舊稅。及其既種。則有司履畝而增之。

故民皆疑懼。而田不加闢。夫爲政之先。莫如敦信。信苟

著矣。則田無不廣。田廣則穀多。穀多則藏之民。猶藏之

擊寡以治伐亂勢無不克但行之貴速則
彼民免俘馘之災此民息轉輸之困矣周主善之

冬十月周設賢良經學吏理等科

十一月周主自將伐唐攻濠泗州

遼北漢會兵攻周潞州不克而還

十二月唐泗州降周

唐泗州守將范再遇舉城降周周主自至城下禁軍中
芻蕘者毋得犯民田民皆感悅爭獻芻粟無一卒敢擅
入城者

唐濠州降周周主進兵攻楚州遣兵取揚泰州

唐濠州團練使郭廷謂舉城降周先是廷謂上表周主

遠降恐為唐所種族請先遣使稟命然後出降許之至
是廷謂使者自金陵還知唐不能救命參軍李延鄒草

降表。延鄒貞以忠義。廷謂以兵臨之。延鄒擲筆曰。大丈夫終不負國。爲叛臣作降表。廷謂斬之而降。李延鄒人。鄒陽時周主進攻楚州。廷謂謁見周主使。將濠州兵攻天長。遣指揮使武守琦將兵數百趣揚州。至高郵。唐人悉焚揚州官府民居。驅其人南渡江。後數日。周兵乃至。周主聞泰州亦無備。遣兵襲取之。已而周克唐海州。

南漢遣使入貢于周。不至。

南漢主聞唐屢敗。憂形于色。遣使入貢于周。爲湖南所閉。乃治戰船。修武備。旣而縱酒酣飲曰。吾身得免。幸矣。何暇慮後世哉。

戊周顯德五年。唐中興元年。南漢主午銀大寶元年。是歲。凡五國三鎮。春正月。周鑿鵲水。鵲河。舊在淮安。今堙。引戰艦入江。府城西北。

周主欲引戰艦自淮入江阻北神堰。

今日北神鎮在淮安府城北。

不

得渡欲鑿楚州西北鵲水以通其道遣使行視還言地

形不便計功甚多乃自往視之授以規畫旬日而成用

功甚省巨艦數百艘皆達于江唐人大驚以爲神。

周師拔唐靜海軍。

南唐置宋改通州今州隸江南。

周拔靜海軍始通吳越之路先是周主遣使如吳越語

之曰卿去雖汎海還當陸歸已而果然。

周主克唐楚州唐防禦使張彥卿

史不詳里系。

死之。

周攻楚州踰四旬唐防禦使張彥卿固守不下周主自

督諸將攻克之彥卿與都監鄭昭業猶帥衆巷戰矢刃

皆盡彥卿舉繩床以鬪而死所部千餘人至死無一人

降者

二月北漢攻周陽州不克。

陽州刺史暴卒建雄節度使楊廷璋

字溫玉正定人

謂都監李

謙溥

字德明并州孟人

曰今大駕南征澤州

胡三省曰當作陽州

無守將

河東必生心若奏請待報則孤城危矣即牒謙溥權隰州事謙溥至則修守備未幾北漢兵果至攻城久不下。廷璋度其疲困無備潛與謙溥募死士夜襲其營北漢兵驚潰解去。

三月唐以太弟景遂爲晉王燕王冀爲太子。

景遂前後十表辭位且言冀嫡長有軍功宜爲嗣唐主乃立景遂爲晉王以冀爲太子參決庶政。

周主臨江。遣水軍擊唐兵。破之。唐主遣使盡獻江北地。周主罷兵引還。

周主至揚州。如迎鑾鎮。遣水軍擊破唐兵。唐主聞周主在江上。恐遂南渡。又恥降號稱藩。乃遣陳覺奉表請傳位于太子冀。使聽命于中國。時淮南惟廬舒。蘄黃未下。覺見周兵之盛。白周主請遣人渡江。取表獻四州之地。畫江爲境。以求息兵。辭指甚哀。周主曰。朕本興師。止取江北。今爾主能舉國內附。朕復何求。賜唐主書。稱皇帝。恭問江南國主。慰納之。唐主奉表稱唐國主。請獻江北四州地。輸貢物數十萬。于是江北悉平。得州十四。縣六十。周主賜唐主書。諭以今當罷兵。不必傳位。

周汴渠成

浚汴口。導河流達于淮。于是江淮舟楫始通。

夏五月辛巳朔日食。

唐主更名景。去帝號。奉周正朔。

唐主避周諱。更名景。下令去帝號。稱國主。凡天子儀制。皆有降損。去年號。用周正朔。平章事馮延巳。嚴續。樞密。

使陳覺皆罷。

初延巳以取中原之策說唐主。由是有寵。嘗笑烈祖昇日。田舍翁安能成大事。與其

黨談論。更相倡和。翰林學士常夢錫。屢言延巳等浮誕。不可信。唐主不聽。夢錫曰。姦言似忠。陛下不悟。國必亡矣。及是。延巳之黨相與言。有謂周爲大朝者。夢錫大笑曰。諸君嘗欲致君堯舜。何意今日自爲小朝邪。衆嘿然。

秋八月唐太子冀殺其叔父晉王景遂。

唐太子冀在東宮多不法。唐主怒。嘗以毬仗擊之。曰。吾

當復召景遂。冀密遣洪州都押牙袁從範毒殺景遂。唐王不之知。

南漢主晟殂。子鋹立。

本名繼興。即位更名。

鋹年十六。國事皆決于龔澄樞。

宦者。知承宣院。

盧瓊仙。

女侍等。

臺省備位而已。

周遣闔門使曹彬。

字國華。正定靈壽人。如吳越。

周遣曹彬以兵器賜吳越。事畢。亟返。不受饋遺。吳越人

以輕舟追與之。至于數四。彬曰。吾終不受。是竊名也。盡

籍其數。歸而獻之。周主曰。卿之奉使者。乞句無厭。使四

方輕朝命。卿能如是。甚善。然彼以遺卿。卿自取之。彬始

拜受。悉以散于親識。家無留者。

彬奉使吳越。不受饋遺。可謂明於辭讓之節。厥後統兵入蜀。獨能整飭部眾。不犯秋毫。宋初名將。無出其右。由其律已甚嚴。故令無不從耳。

冬十月周遣使均定境內田稅

周主留心農事常刻木為農夫蠶婦置之殿庭至是詔

散騎常侍艾穎

艾以地為氏穎須城人

等三十四人分行諸州均

定田租又詔諸州并鄉村率以百戶為團團置耆長三

人又詔諸邑課戶

唐制令上戶出課給官員月料謂之課戶

及俸戶

斂歲之稅使高

戶主之收其息並勒歸州縣其幕職州縣官自今並支

俸錢及米麥

十一月周命竇儼撰通禮正樂

二書名

唐放其太傅宋齊邱于九華山

齊邱多樹朋黨陳覺李徵古共相附和唐主惡之

司天奏天

文有變人士宜避位禳災唐主乃曰吾欲釋去萬幾誰可以託國徵古請授齊邱覺亦曰陛下深居禁中國事

皆委宋公。先行後隨。臣等時入侍談釋老。不亦可乎。唐主心慍。卽命中書舍人陳喬草詔。喬惶恐請見。極言其不可。唐主笑曰。爾亦知其非邪。乃止。遂出徵古。會周遣洪州龍覺近職。陳喬字子喬。廬陵玉笥人。

鍾謨。馮延魯還。唐謨以李德明之死。怨齊邱。欲報之。知陳覺前自周還。矯周主命。言江南連歲拒命。皆宰相嚴續之謀。當斬之。唐主未之信。謨因請復之于周。唐主乃因謨復命。上書言久拒王師。皆臣愚迷。非續之罪。周主大驚。曰。審如此。則續乃忠臣。朕爲天下主。豈教人殺忠臣乎。謨還。以白唐主。唐主乃詔暴齊邱等罪。放齊邱歸九華山。覺宣州安置。尋殺之。徵古賜自盡。齊邱未幾自經死。



